


文翰大成 卷之八

賦明 樂章

自漢至明

漢書門類	三七四一	三四一	四	一〇〇
類	號	函	架	冊

內閣文庫	漢書類	三七四一	三四一	四	三三九
類	號	函	架	冊	冊



內閣文庫			
番號	漢	3741	
冊數	100 (7)		
函號	362	68	



文翰類選大成賦類目錄卷第六

淺草文庫

宋濂奉

制撰蟠桃核賦

空同雪樵賦

劉基弔諸葛武侯賦

弔岳將軍賦 弔秦不祀元帥賦

梁寅蒙山賦

揭執梅桂軒賦

大有年賦

道統賦

豐城劍賦

王禕葑房賦

詠歸亭賦

劉彥昂荆門賦

胡儼神龜賦

麒麟賦

春牧圖賦

鄒緝驕虞賦

黃淮閔志賦

四愁賦

李時勉北京賦

獅子賦


白象賦

楊士奇河清賦

甘露賦

師古堂賦

離譜賦



王英退思齋賦

周忱夢菊賦

熊直平胡賦

蘭竹賦

陳璉銀臺桂花賦

歲寒軒賦

胡啓先

皇都大一統賦

龍馬賦

劉球至日早朝賦

畜鷹賦

龍駒賦

朱弘祖香雪軒賦

雪舟賦

金問騶虞賦

孫原貞瑞應星賦

瑞應龍馬賦

著草臺賦

文翰類選 文卷第六

左長史上海李伯璵編輯
伴 讀慈谿馮 厚校正

賦類

國朝

奉

制撰蟠桃核賦

宋濂字景濂金華人翰林丞旨學士

炎漢六葉實惟武皇闡坤符握乾綱祀汾陰建竹宮叶仁獸

在郊赤芝薦芳西海獻續弦之膠弱水來燕卯之香慶諸福

之畢集思騎龍於帝鄉幸靈桃之入口傳僊種於下方想其

瑤階露寒彤庭秋迥銀燭未掩畫屏斜映啓承華之秘殿

瑤池而神驪忽王母兮遙臨托青鳥以傳命鬱佳氣之葱龍

覲芳姿之妍靚於是玳席初延霞觴屢傳蘭辭吐兮龍人縹
袂舉兮高騫紫雲之輜輶暫駐九微之燈火猶燃乃啓錦
幪乃濯翠蓮乃出桃實獻于帝前味甘醇而醴色含腴以不
乾焉刀割蜜神液流泉上滋華池身輕欲僊將懷核而種之
屬上林之寒烟王母微笑塵世易遷儻花實之並見歲屢閱
於三千唯紫府之列真視滄海於桑田彼窺烏牖之小兒尚
奚測夫幽玄斯核也匪鑄而成非陶而凝藉五行之享毒資
六氣以流形鄙瓠犀之脆薄並玉質之堅貞瓜之不入叩則
有声知何年之中析存半壁之晶焚俯貼金盤巢蓮之龜仰
承玉露常滿之梧銳首聳兮尖峯豐下脩棘八八墜星無無皺感
背文之籀一窪暈面色之頰荷盤欲展蚌甲未腐藏仁之跡
猶在含肌之罅如生函肉好之隱約圍合線之之鶴軒

翦兮顯象寶章絢爛兮金明鳳自焉彝同藏真於天府星形
月魄挾灑氣於蓬瀛嗟夫自昔仙靈惚恍難憑出無入有變
幻莫傳橘類益兮巴園棗如瓜兮漢庭恣燕齊之方士騁詭
辨之奔騰瞻雲露之咫尺恨九骨之難登以雄才之蓋世甘
昏溺而不醒至若建章月淡甘泉風冷銅莖中峙仙掌高擎
望颯輪兮不來後馳情於窈冥苦白日之易短兮竟莫制於
頽齡核雖存而人則逝兮悲秋風於茂陵矧宣和之繼執兮
暮鼎湖之龍升托青華之帝子設神霄之玄稱何殷鑒之不
遠踵覆轍其相仍天啓
皇明真人龍興順堪輿之大化調陰陽之至精道德行兮即
龍虎之丹顯忠信昭兮勝鉛汞之功弘以九州為仁壽之域
儕兆民於喬松之朋神機流浹太和薰蒸指倭人兮草生屈

軼齊氣朔兮階秀堯賞。視區々之遺核。初何繫乎重輕。此所以
以華往古之荒唐。法唐虞以作程也。評曰。桃有核兮大逾掌。
歷千齡兮多惚恍。慨靈仙兮勞夢思。誰見崑丘兮紫芝長。
真人出兮海寓寧。禮樂為冠兮仁義作纓。簫韶九成兮鳳凰
鳴。青鳥不敢徠兮幻說清。千秋萬歲兮永長生。

崆峒雪樵賦

宋濂

伊空同之核起兮。鎮嶠南之靈區。翠旂續其蕩空兮。播顛氣
之綈綏。章貢挾以比流兮。益土脉之滋腴。穴遙通於龍翁兮。
勢蟠亘於鬱孤。信地維之輿宅兮。為靈真之所都。則有白鵝
羽人黃堂丹士。闢玉為房。鑄金成黍。仰青帝之布帷。撥赤霞
而啓筭。悼下土之空濁。凌剛風以逕度。惟彭城之僊子兮。式
爛柯之遺軌。謂靈奕之可觀兮。意翩翩而遐舉。袞翦鹿乳之

花。履約芝田之蕙。中割湘雲之枝。擊點彩鷗之尾。傷胡麻之
未飯。愛白石之堪煮。踰洞真之石扉。借脩月之寶斧。期緱笙
之下臨兮。庶綠文之可受。于時玄冬屆朔。氣交水腹。堅金莖
高。二鶴夜語。獨鳥晝韜。莽六花之聚白。合溟滓於空寥。幻九
清之秘景。闢太素之神苞。奪人目精兮。若流汞翻空而不定。
一白無定地兮。如爛銀炫耀於霜臯。瓊林玉樹。疊穎聯柯。條
頓亡於春綠。藹巧綴於晴梢。乃陟瑤磴。乃依水榭。膚中寒而
生鱗。指屢僵而弗屈。丁丁許許。不遺餘力。已枯成采。方長不
折。玉屑隨聲而輕墮。霜莖倚雲而初積。束以九真之赤藤。附
以千年之苓朮。既逍遙而永歸。忘蕉鹿於今昔。歌曰。我采我
樵兮。太濛之野。萬樹瓏璣兮。王光照夜。孰能相從兮。與電旌而
俱下。於是築石竈。繙金經。養神火。煉黃寧。永生水虎之窟。鉛

出火龍之局。液承太一之珠。機運元華之精。憑添坤之卦。券植
 鄴鄂之丹城。逮伐毛而洗髓。致陰燦而陽疑。種芝於瓊玉之
 山。折桂於廣寒之庭。領衿佩於橋門。集鸞鷲於王廷。白簡霜
 飛。繡衣春明。近一出而持斧。使九夏之生冰。定乘風而來歸
 兮。於瀛洲之先登。隔人間之風雨兮。遽真凡之異程。至若西
 隣之子。沈酣羶葷。屏龜香曙。笙火花春。葆階舞楚。銀館歌秦。
 黃塵迷南華之夢。弊屣嗤東郭之貧。樂鍾鼎之遺豔。厭烟霞
 之近醇。尚父釣渭。阿衡耕莘。或封齊於東海。或致君於華勛。
 齊出處於一塗。肯變志於屈伸。世續紛兮。麗以新蠟。代薪兮
 傷芳辰。翻海水以為霖兮。曾莫濯夫游塵。孰不化為胡燕兮。
 依華棖之飛文。丹禽鳴夫空谷兮。亦寥寥之一聞。彈樵歌之
 逸響兮。音綠綺於秋晏。歌曰。若有人兮。在蘭屋止。白虎為使。

宗蠟止。皓義迴。馳敷天並止。虛白內朗。絕纖瑕止。仁芥著

戩龍。鷲鴻止。鵝膏匪施。加弗止。剪彼新穉。扶松栢止。養賢

大鼎。熟以烹止。天下為公。火止。行止。逆風屹立。思盈盈止。

弔諸葛武侯賦。劉基字伯溫括蒼人脚

天地閉塞兮。聖賢德淪。大旱焦土兮。龍無所用其神。當運命

之厄窮兮。堯舜且猶有極。黍歎軀以隨化兮。亦哲人之所戚

彼狂猾之縱悖兮。獲羿莽以白天。亂淪汨典兮。流毒為淵。夏

必康之不作兮。時又無湯。血武。蔽薇不可以食兮。焉眾。而

獨處曉三顧之歎。惻兮。蹠高光之所為。鳳凰非梧桐不棲兮。

于差去此。其安歸。瞻星芒于月。瀆兮。豈皇天之叛渙。日昊不

可使再中兮。指桓靈而慨歎。百尼父之不逢兮。寓莽鉞于春

秋。誅姦邪於既死兮。開日月之昧幽。般紛。以攘奪兮。世不

以之為殃。民憂泯滅。猶一髮耳。微斯人。其孰明覽出師之遺表乎。涕淫。其如雨。悲逝者之不回。邈英風于萬古。

弔岳將軍賦

劉基

木之顛兮。其根必傷。人之將死兮。俞扁以為不祥。嗚呼。將軍竟何為哉。天地易位兮。江河倒流。鳳凰天殞兮。豺狼冕旒。臣不知有其君兮。子不知其有父。嗚呼。將軍兮。獨銜冤而懷苦。離何愛而可親兮。忠何辜而可戮。父死且猶不顧兮。何忠良之能育。臣竭心以為主兮。又何以可為仇也。天之所廢。不可植兮。亦將軍之尤也。烏傷弓而欲殞兮。群啞啞而拊翼。猿猱縻于機檻兮。羈悲鳴而不食。伊人之有心兮。曾鳥獸之不知。忘戴天之耻兮。安峻宇之高。居信諛邪之矯枉兮。委九朝于狐狸。甘卑辭以臣妾兮。殘喘以娛嬉。焚舟楫于洪流兮。

今烹騂駟于中路。庸夫亦知其至愚兮。羗獨迷而弗寤。拍薄軀以報主兮。乃忠臣之素心。縱狂瞽之弗思兮。又何必以之為禽。屈原貞而見逐兮。伍子忠而獲戾。固將軍之不辰兮。哀中原之蕪穢。弔孤墳于湖濱兮。見思陵之牛羊。寄遙情于悲歌兮。識忘親之不滅。

弔秦不華元帥賦

劉基

世有作忠以致怨兮。曾不知其故然。懷先生之耿介兮。遭時命之可憐。上靡蔽而不昭兮。下貪婪而不貞。權不能以自制兮。謀不能以獨成。進欲陳而無階兮。退欲往而無路。忠沉沉而不白兮。心搖搖而不固。繫乘黃服鼓車兮。駭寒驢以曳之。骨猛虎于籠檻兮。狐狸群而制之。衆刻木之枉直兮。信諛邪之流言。倒裳以為衣兮。涅素以為玄。前宥冥令指途兮。驅離

莫使從之。教養由以彎弧兮。繫其肘而引之。吁嗟先生兮。何
逢時之不辰。生不能遂其心兮。死又抑而不伸。姦何為而可
長兮。忠何為而可尤。尸比干而莫惡來兮。白日為之昧幽重
曰。嗚呼哀哉。吾安歸乎。楔偷升堂兮。騶虞以為妖。殪鳳凰而
斲麒麟兮。糜梁肉以養梟。吠狗遭烹兮。捕猫蒙醢。雄雞晨鳴
兮。衆以為罪。忠固不求人知兮。於先生其何傷。國有忠而不
知兮。喟皇天之不祥。亂曰。莽莽崇丘。闕無人兮。天高聽遐。疏
不得親兮。松柏摧折。荆棘長兮。軒于萊施。充佩纓兮。浮雲虹
蜺紛縱。橫兮。上下阻隔。幽不能明兮。嗟苦先生。卒罹殃兮。姦
邪矯枉。歸罪愆兮。咎繇不作。誰與平兮。跖犬噬由。理則然兮。
麒麟豺狼。不同群兮。自古有之。吾又何嗟兮。

蒙山賦

梁寅

字孟敬。號石門。臨江人。洪武初。五典江右文衡。

維堪輿之真位。斯山嶽之肇形。類波瀾之激蕩。擁泥沙之峻
嶒。為嶠為岑。或丘或陵。尊若帝王。陪以公卿。然人也。以山而
鍾秀。山也。因人而著稱。在於荒陬。雖崇而隱。邈乎雄都。雖卑
而名。竊愛天蒙嶺之鎮吾地。其餘終南少室。天台會稽。何彼
重而此輕也。哉。觀其勢。雄千仞。根盤百里。嵯峨欽峯。蜿蜒壇
苑。施竅以諸洞。界以衆水。巘嶠鱗鱗。崖石齒。疆域之標。郡國
之紀。皂嶂東迴。春臺西峙。鰲峰北聳。渝流南逸。其為寶藏。則
白金之璀璨。碧鈿之璘璘。表炎方之奇產。充天府之上珍。其
為靈蹤。則金刹據其陽。仙巖在其顛。森祇樹於翠谷。闕小有
於洞天。若乃瑤草剝芳。珠林挺秀。風篁球曼。烟蘿帷覆。蘭芷
緣於徑。畷芝木產乎畝。竇長陰澗之茯苓。絢霜林之橘柚。猿
獠哀嘯。熊羆怒咆。霧卧文豹。湫吟黑蚪。揚夜鶴之遙音。露秋

鶻之懸巢。過客眩於妖狐。樵子駭乎山魃。凡其根莖之品。飛走之族。時祭時悴。以涵以育。富於靈囿之駢羅。夥於陸海之儲蓄。博物之張華。無以辨其類。洽聞之郭璞。曷能究其目。宜夫絕俗貞士。離世潛夫。悅雲霞而長往。與麋鹿以爲徒。翫岡葩之春媚。樂岑木之夏敷。吟素秋於月觀。度玄冬於雪廬。坐紫苔兮綠綺。奏蔭蒼松兮芸帙。舒或茹芝兮白日晏。或掃葉兮涼飈。隨想夫楚叟之賢。栖山之陽。躬尚稼穡。志輕侯王。觀山泉之泓渟。悟蒙養之端莊。愜閑情於澹壑。杜妄戀於曦廊。嗟軒堯其既遠。顧沮溺其可望。勵雅操之冰玉。謝溷世之糝糠。疑斯人之或遠。復東瞻乎魯邦。既異世以同趣。宜隨地而安常。吾將說俗駕屏。塵心企顙。陽懷箕陰。朝與山兮爲儔。夕與山兮相弔。濯纓於下流。振衣雲中。寧抱甕以自勞。賦歸來而長吟。歷萬里於至近。返千齡於方今。庶永託於茲山。嗣高賢之徽音。

梅桂軒賦

爲許仲孚作

揭軌

字孟同臨川人新河令

歷青雲之長阪兮。聊暇日以登臨。望城南之嘉樹兮。得許氏之園林。西園何有。有梅有桂。翠亭倚金玉之姿。飛館通神仙之氣。當其綠波冰泮。東風徐來。綺窓欲曙。珠簾暫開。飄素雪於錦席。落清香於玉杯。恐吹殘於翠筦。委厥美於綠苔。若夫霜清翠幌。涼生藻扃。檣葉朝隕。織裳夕輕。酌玉衡之初臨。見天時之代序。始玉碎於華池。忽金繁於碧樹。倚瓊宇之高寒。法銅盤之仙露。然而昔人有愛梅矣。未聞更植乎桂也。亦有植乎桂者矣。而梅之愛則未也。侃侃許侯。宋廣平之直氣。何水部之文華。冠蓋盡淮南劉安之客。詩書乃燕山竇氏之家。

予嘗取友於天下。托末契於君侯。當春秋之佳日。陪君賢以賞游。虛懷若梅花之倚雪。清興同桂樹之凌秋。列金罍於林下。錯瓊轂於山幽。紛落英於環珮。襲清香於翠裘。玩遺芳兮澹容與。攀偃蹇兮聊淹留。惟歲寒之是托。雖去此其焉求。嗟夫。昔蘭亭之勝。非右軍則茂林脩竹。將蕪沒而誰賞。東池之美。若無柳州。則雲影山光。亦寂寞兮誰收。然則是軒也。微許氏之高情雅韻。寧不零落於荒丘也哉。歌曰。

青雲山人掃落花。咀金英而嚼瓊華。望姑山兮暮雪。懷小山兮朝霞。弃和羹兮金鼎。陋看花兮霓裳。褰予珮兮林下。思與君兮翱翔。

大有年賦

揭軌

客有問於司農大夫曰。子寔農官。稽之往牒。有年之紀。子必知之。大夫曰。然。然則僕願聞之。可乎。曰。可。伊彼東魯。蒙羽之野。少昊之丘。穆穆魯公。肇封而侯。殆我宣公。紹夫前休。濟西之田。既復樂民事於西疇。獲五穀之登成。寔見羨於春秋。若是何如。客曰。黍離既降。王風陵夷。務農之意。何在。與戎之禍。日滋。國用既竭。民力是疲。况十一之定制。乃先王之弘規。嗟稅畝之非禮。慨往事而增悲。啓多祭於後來。寔濫觴之在茲。吾子曾不是。瞻頤耀春秋之末。造竊為大夫不取也。願聞其大者。大夫曰。永平之際。累洽重熙。詔百王之制作。盛三雍之上儀。登靈臺而莅止。考休徵於三時。霽祥風之習習。沛甘雨之祈祈。嘉百穀之蓁蓁。屢豐年而不違。所以光建武之雄烈。後世罕得而齊之也。若是何如。客曰。西京重農之君。首稱文景之治。然而禮樂之未遑。比三代而增愧。雖永平之崇儒。亦

其教之未至吾子之言累陳而累下。雨漢之事無容議焉。大
夫曰。當今六合一家。海內無事。

聖上念民食之當勤。憐嗟。於是乃登玉輅。駕蒼龍。

翠鳳。駕蒼和。駕琴壘。保介在茲。示後親耕。夫千畝之藉。

而屈三推於聖躬。于時靈雨。柔稊。望大田之多稼。

經有滄之清涼。或同穎而呈瑞。或七穗以應祥。始娟。而擢

秀。忽冊。以垂黃。伊歲月之幾何。睹西成之撰。欣百室之

盈。止來千斯之載。箱于以備。潔盛之豐。繁于以通。蜡祭於四

方。茲有年之足紀。而為我邦家之慶也。然而既富且庶。民樂

無疆。

聖上又慮夫子弟多暴。流俠踰侈。逸居無教。犯義侵禮。雖同

登夫承平之樂。而終非無全之計也。於是乃下明詔。班憲度。

昭節儉。示太素。免民租。而弗征。尊高年。以慰諭。復仁義之溥。

風。敦孝悌之上務。四海之內。曰庠曰序。蹈德咏仁。登三邁五。

於斯之特。萬方無虞。朝廷清明。乃興禮樂。攷文章。石渠金馬。

之。獨宛。承明著作之焜煌。群百郡之俊彥。搃禮官之賢良。日

月論。思獻納有光。是以海內之士。計偕而來者。三百餘人。

或天人三策之上奏。或力行一言之是陳。所以潤色乎鴻業。

同贊乎化鈞。是宜致陰陽之順序。降元氣之氤氳。瑞應畢至。

豐年屢臻。以是而歌頌有年之盛。不亦可乎。若是又何如。客

於是矍然失色。逡巡避席。稽首稱頌曰。大哉我

皇之化。蕩。魏。至矣。盡矣。茂以加矣。微大夫之博學。僕焉

得聞斯言。哉。吾今而後知。三王不足。四。五帝不足。六矣。大夫

曰。復位。今將授子以有年之詩。客既卒。簡乃稱曰。美哉乎斯詩。

雖臣工之有頌詠土之陳風何以尚茲小子狂簡不知所裁
敬服德音請終身誦之其詩曰於穆

聖皇建極有光鳳紀洪武皇皇垂裳江漢永清告成于王乃
勤玉輅宗祀明堂風雨以節上天降康曾孫之稼信如茨梁
我取十千農夫之慶報以介福萬壽無疆

道統賦

揭軌

蹇予法乎前脩兮嗟道喪其不傳紛皇皇而求索兮究聖學
之微言曰道非寓於惚恍兮要不外乎一心斂衆理於虛靈
兮孰微妙而難尋思三石之心法兮曰惟精而惟一執厥中
而不失兮寔斯道之準的苗堯之授舜兮乃一言而有餘舜
亦儼而命禹兮復申申而告諸聖繼聖以相承兮欽告戒之
靡他湯祗敬以執中兮固論道而不差殆王報之既東兮

靈化之數解化何相道之不察兮空有慨於鳳歌司寇氏之
生知兮承文武之統緒依前聖以節中兮道既微而復著嗟
小子之狂簡兮孰傳道之可托顏請事於斯語兮曾妙契於
一諾及聖門之佳胤首憂去聖之遠而乃著書以詔後兮曰
脩道之我爲當群雄之角起兮非功利其誰與幸斯道之未
墜兮軻也曾聞其語歷兩都而江左兮何緯繡之寡儔雖信
其過中兮東違弃而改求昌黎百世之師兮卓有見於原
道乃擇焉而不精兮何荀楊之過謂烏虜道喪千載兮聖遠
言湮挹庭草之交翠兮思若人兮不可親瞻彼洛水兮湯湯
其流天高日晶兮我思悠悠誦先生之墓表兮曰得不傳之
學於遺經興起斯文爲已任兮使聖人之道復明然昔吟弄
瀛溪之風月兮尋孔顏之所樂迺見知於同時兮信有得於

先覺吾固知統緒之有在兮。粵自漢世。彼謂孟氏之後
一人兮。蓋語事功之在聖學。何微言之。猶有待乎考
亭。會群聖之書而折中兮。炳聖學於日星。紛摠摠其異言兮。
謂六經其不必著也。衆不可以戶說兮。孰察予之情素也。當
五百年之休運兮。適有際於盛明。體中和而建極兮。表聖學
於六經。予以奉太尊之烈兮。予以承先聖之統。自金聲而玉
振兮。寔條貫之兼摠。同聲相應兮。雲氣從龍。固見知於一時
兮。豈必摯咎陶之能同。迺歌曰。
駟玉虬兮超天河。歷箕尾兮聆雲和。雲和奏兮
聖神馭極。鳳歷五百兮適當。今日。

豐城劍賦

揭軌

而騰騰於豐城。幸剛者乎。觀其孕精太白。流景祝融。女媧效
職。風乍獻功。飛螭於秋水。出天矯於九重。質耀晴雪。氣飛
白虹。皎若雷激。鬱然雲從。此則龍泉絕世之姿。而獨擅其雄
者也。至柔稟德。動剛是庸。綬理錯落。玉鐔玲瓏。彩動華星。秀
逸夫容。凜乎寒冰之烟。炯然神光之瞳。此則太阿之寶
器。吞餘子於一空者也。泣鬼母於中宵。走魍魅於晦蒙。誅佞
臣於漢閣。斬長鯨於江中。舉動而青天迴轉。指揮而白日搖
空。卒然遇之。則孟賁失其勇。赫然臨之。則六國解其縲。嗚呼。
雄已哉。去兩都而不返。悲四海其莫逢。思美人兮。何在。抱予
恨兮。忡。殆典午之握符。賓附鳳而攀龍。瞻華星於南紀。驚
紫氣之上衝。嗟神物之來歸。乃見知於司空。啓靈嶽之玄秘。
發玉匣之幽蹤。土花蝕綠。莓苔駁紅。星文隱約。玉刻鴻濛。乃

拭以西山之土。濯以南浦之淙。砭霜鏑於越砥。照冰姿於吳
鴻。歎相遇之何晚。願敬服之無窮。於是貯以七寶之室。佩以
珊瑚之鈎。藉以蜀江之錦。配以翠雲之裘。或照耀茂先之瓊
珮。或追隨孔璋以同游。滋花露於春殿。拂柳色於御溝。可以
折衝制敵。可以會同諸侯。可以寵賜功臣。可以雪耻強仇。趙之
連城。不足以重其價。楚之白珩。又焉得與之儔。是宜載之鳶
輅。配虞氏之大麾。藏之內府。配周室之寶刀。不比匹夫之疾
視。敵一人以稱豪也。於是青萍含愧。結綠增惶。湛盧匿彩。巨
闕韜光。泥切和氏。奴視羊腸。陋蒸魚之不武。怛斬馬之無剛。
悲易水之無成。恨博浪之輕狂。懷義人以來歸。期國士之無雙。
豈與奸雄並馳。漢賊爭強也哉。然奈何司空之博識。徒知匡
救之盡心。而昧乎保身之明哲。徒知紫氣於斗間。而不知中
台之已折。宜神物之飛去。遺臨江之双珖。願延平之津水。乱
飛濤之捲雪。嗚呼。意嘻。金谷荒涼。銅駝幾霜。慨故都之淪沒。
思往事而悲傷。天生神物。終歸世祖。親提三尺。以定萬方。迨我
聖皇。掃清江漢。于周有光。願是器之在御。將配九鼎於無疆
也。乃歌曰。

皇

雙劍兮玲瓏。雪花照兮芙蓉。乘時變化兮。吾知尔之為龍。又
歌曰。寶劍兮琳琅。貫牛斗兮龍光。風雲擁兮上方。千秋萬歲
兮。佑我

葯房賦

王禕字子充。金華人。翰林侍講。

夫何美人之練要兮。寒好脩以為常。既昭質之弗虧兮。又姱
節之孔彰。爰托物以自表兮。曰清脩之是將。滋幽蘭而對蕙

兮。蘭為佩而蕙為纓。薜荔以為衣兮。集芙蓉以為裳。既所服之孔脩兮。粲芬々其文章。所處欲其芳華兮。又申之以葯房。何斯房之結構兮。獨以葯而為之。薦芳馨之菲々兮。絢繁飾以陸離。文杏煥以成梁兮。琢辛夷而為楣。檫木蘭之差々兮。梳文藻其紛披。繚䟽牖以杜衡兮。扈素壁以江離。桂樹鬱其當軒兮。陰團々而成帷。敷百草為庭實兮。肆把玩乎瓊枝。襲芸編以總々兮。緹空桑之朱絲。餐繁英與落葉兮。飲沆瀣以自怡。澹逍遙以容與兮。聊棲遲而偃仰。撫榮華之未艾兮。倦茲葯以自况。維葯之澤兮。所以示昭質之匪飾也。維葯之馨兮。所以表姱節之不忒也。朝夕處乎斯房兮。信脩潔之不忘。苟所好之絕俗兮。人不知其何傷。方世俗之溷濁兮。糝薰蕕而莫質。蕭艾蔽乎中野兮。菴藜蔽其盈室。彼惡椒果何物兮。亦雜然而充幃。衆舍是而尚非兮。孰於芳其能祗。何美人之耿介兮。乃獨為此度也。夫豈傲世以自異兮。亦惟好脩之故也。委厥美以自棄兮。固非其心之所安也。使矯名而無實兮。又胡若是拳拳也。願予生之侘傺兮。曾靡求乎安處。塊獨守此敝廬兮。蓬蒿紛其環堵。雖疑塵之滿席兮。情晏然猶冲豫。外物一無所徇兮。曰惟德之為馨。異和順之中積兮。致英華之外形。徒潔脩以自表兮。媿非予之所能。既好尚有不同兮。又孰揆予之中情。幸美人之嬋娟兮。夙與予其目成。欲相仍乎斯房兮。恐莫堅乎芳盟。命靈氛為予筮。筮兮。靈氛告予以吉占。曰外好雖不同兮。實中情之可堅。聞斯語以邑鬱兮。恐佳期之遲莫。思美人而未見兮。悵盤桓而延佇。將何物以結言兮。恨眾芳之已萎。采芳洲之杜若兮。聊遺予之所思。願相從

而相羊兮終歲晏以為期慮誓言之未固兮結微情以成詞

詠歸亭賦

為沈仲說作

王禕

夫何若人之耿介兮志與俗其背馳絕紛華之外蘄兮壹冲澹以自怡守忠信以佩服兮被道義之光輝豈脩禊之徒事兮將聖賢以為師瞻笠澤之沃野兮實若人之所居豈藏脩之無所兮有厦屋之渠渠廓閒田以開圃兮俯平川而結廬木參參以繞舍兮水湯湯而循除爰有亭其新構兮謝雕甍與綺疏既琴瑟之在前兮亦左書而右書乘良朋於遠方兮聊於焉而樂娛揭亭名曰詠歸兮示聖門以為徒仰聖門之多賢兮各負材而懷器求藝能之孔多兮由剡勇而尚義彼願試於為國兮蓋同科於政事亦循循以謙讓兮嘗適齊以通使彼小相之願為兮亦量能以自計迹三子之所志兮徇功名而規規何點爾之曠達兮獨從容以無為謂我服之既成兮屬莫春之芳期集冠者及童子兮浴沂水之戲嬉遂風涼乎舞雩兮同詠歌而乃歸唯所志之若斯兮斯脫畧乎物累弗舍己以從人兮殆春融而蟬蛻泮氣象於堯舜兮同化工乎天地宜有契於聖心兮亟嘆賞而興喟念去今踰千載兮孰此志之能承何若人之耿介兮乃感慕以作興亦見道其庶幾兮匪惟飾乎脩名繼寥寥之絕響兮長詠歌于茲亭日遲遲以載陽兮雲油油以成雨鳥和鳴以在對兮魚群躍以在渚任眾情之變化兮嘉萬彙之樂所撫物我之各適兮肆安居而逸處彼世俗之溷陜兮困利名為網羅眾群趨以競進兮紛遑遑其謂何苟返求乎初服兮亦所得之已多余張張之無類兮誓蹈道之弗頗微若人吾誰與依兮願從游以

張之無類兮誓蹈道之弗頗微若人吾誰與依兮願從游以

靡他。

荆門賦 劉彥昂 鄱陽人東阿知縣

君山秋兮蒼蒼。洞庭寒兮欲霜。雲流碧兮潦盡。木殞黃兮菊芳。白鴈猶芳。七澤凍。玄猿號風。三峽長。客有佩明月之琳琅。翳鳳凰而翱翔。縷茜飄兮絳彩。劍蓮吐兮雪芒。思攬轡於昭丘。爰弭節於荆陽。顧漢水之為池。睠方城之為隍。據軫翼之躔。次古熊繹之封疆。沅沱既道。朝宗于王。厥土堆泥。黍稷穰穰。駝馬被野。牛羊弥岡。纁組燦爛。金玉鏗鏘。菁茅箇籜。柘栝。豫樟。鴻雁鳧鷖。鵠鶴鵙鷓。砂丹石翠。椒紅橘黃。玄獐大龜。赤鯉青魴。羽毛齒革。物產之良。實富國強兵之所利。宜併吞割據之相攘也。嗟乎。維昔漢網解紐。炎靈中微。旄頭夜蝕。天狼晝垂。赤刀鳴於武庫。白魚雨於京畿。洪流板蕩。黨議橫馳。奸臣竊命。太阿倒持。曹瞞挾翠華以遷許。董卓積黃金而築郿。六鰲揚塵於紫渤。九龍失水於瑤池。志士懷攬轡澄清之慨。勤王動枕戈興復之思。通人俯仰於形勝。未嘗不痛恨於桓靈之陵夷也。東望夏口。蔚乎武昌。鳩鵲之觀。抗神宮於双闕。黃鶴之樓。凌雉堞於中央。鸚鵡芳洲。帶草色。漢陽野樹。迷烟光。悽其赤壁。烏林浙瀝。憶樓船之如林。想旌旗之蔽日。殷動地之征鼙。列連雲之戰戟。妖氛引於宛洛。殺氣纏於郡邑。火星畫騰。烟砲夜擊。檣連烽燧。岸走沙礫。龍虎決於雌雄。成敗等於呼吸。謀興輔王業於萬全。何士崩瓦解於瞬息。孫策周瑜之戎。羨曹操張遼之失計。事竟敗於驕矜。身幸免於倉卒。致當時之扼腕。重來者之歎息。故壘蕭條。斷壕周遭。江屯崩雲。湍乎怒濤。楊柳頓春於別渚。芦花慘雪於殘潮。寄登眺於

雲湍乎怒濤。楊柳頓春於別渚。芦花慘雪於殘潮。寄登眺於

草木付歌嘯於漁樵。夢明月於白鶴。弄春風於紫簫。往矣醜
酒臨江之槩。傷其橫槩賦詩之豪。所謂東風不與周郎便。銅
雀春深鎖二喬者乎。南望則嶽陽之區。雲夢之墟。包緹潭沔。
煦浮太虛。衡嶽嶙峋。朱陵氤氳。娥皇遺廟。粉鈿消香於春色。
蒼梧故隧。凍燈沉彩於秋塵。玉鳶剝於寶鑑。金鴈浮於海銀。
長沙之津。瀟湘之垠。嗚夜雨於班竹。捲西風於白蘋。困遷謫
之賈誼。悵行吟之靈筠。忠貞之諫。弗任泣涕之書。待陳天衢
騁於駑駘。草澤悶於麒麟。楚人致懷沙之恨。漢文空宣室之
勤。所謂可憐夜半虛前席。不問蒼生問鬼神者乎。西望則白
帝插漢。鳥道際雲。灑灑灑霜。沸峨媚黛。勻龍湫虎牙。尾閭吼白
益赤甲。虞淵昏天府。沃壤于以定霸。而制國。鑄山煮海。于以
濟世。而安民。啓中山之帝胄。申大義而奮身。結關張之英姿。
同魚水於君臣。赴躬畊之高卧。枉三顧之殷勤。義旗渡於瀘
水。耕者雜於涇濱。運木牛於流馬。布八陣於鼎分。誓鞠躬於
盡瘁。痛嘔血之酸辛。墮大星於前第。傷漢祚之遭屯。所謂出
師未捷身先死。長使英雄泪滿巾者乎。北望則襄陽紫迴。峴
首崔嵬。汝穎曼衍。唐鄧宏開。沙湮檀溪之浦。棘覆龍山之臺。
孟嘉芳躅。帽落斜陽。於杞菊。龐公高隱。徑迷斷靄。之蒿萊。高
陽之酒徒。零落習池之歌。舞誰來。更無金鞍換小妾。寧復銅
鞮歌落梅。紅剝鷓鴣杓。翠消鸚鵡杯。淚亦不能為之墮。心亦
不能為之哀。所謂晉朝羊公一片石。龜龍剝落生莓苔者乎。
吁。嗟兮。風景不殊。山河如昔。慨戰馬之何在。消風雲於倏忽。
何三國之英傑。逞干戈於智力。措蒼生於魚肉。不能安一日
於衽席。爭腐鼠於飢鳶。致羊藩而臍噬。徒區區於井蛙。莫能

混南北而為一。豈天運之有常。抑非人力之所能致者乎。偉哉我

皇龍奔虎驤。雄劍一呼。囊括八荒。

大明中麗。日月普光。四夷八蠻。折津扶桑。莫敢不屈膝。莫敢不來降。干羽舞而獻于旅。焚簫韶奏而來于鳳凰。制國定都。分茅建邦。衍金枝於玉葉。頒寶牒於天潢。紀綱永世。本固支強。玉璽金券。寫輿煌。昭圭璋於衮冕。畫粉藻於衣裳。地控上游。履盡荆襄。以定社稷。以開明堂。宮殿麗於九土。旌節衛於五方。壯軍容於萬里。觀玉帛於梯航。書之府奎壁之章。卧金甲於綠沉。包虎皮於弋刀。囊仁以為紀。義以為綱。帶礪之盟。永茂永昌。小臣獻賦。祈萬歲而躋於虞唐也。

神龜賦

明儼字若思。豫章人。號願菴。國子祭酒太子賓客。

於皇

太祖受命自

天。仁覆四海。義橫八埏。仗黃鉞而順應。解蒼生於倒懸。廓蠻夷之氛。掃戎狄之腥羶。復人紀以肇。啓

皇明於萬年。載戢干戈。載興禮樂。巍然煥然。規摹宏擴。在御迨垂於四紀。元氣克全於光嶽。肆

聖皇之繼統。協運化於重熙。仰

成功與俊德。寔念茲而在茲。詔儒臣以紀載。作百王之典彝。粲雲漢以昭回。炳日星而光輝。廼斷穹碑。幕府之陽。繼承厥。龍潭之岡。佳氣兮鬱葱。吉日兮辰良。天光昭兮發新。坤維鎮兮獻祥。爰有神物。廓落玄蒼。尾蛇。而半曳首翹。而獨昂。背隆隆而若起。文昭昭而用彰。戴九兮履一。左三兮右七。

二四看兮六八足五居中兮連復續宛洛水兮呈書悅苑池
兮出曝豈宋網兮可加陋吳璣兮跽伏于以應玄枵魁三六
表休徵介景福匪琢匪雕温其如玉茲蓋
聖皇仁孝之感通而

天地祖宗之所眷屬者也爾乃登明堂進赤墀趨百寮合四
夷舉欣々以來觀莫不稽首而嗟咨金門闢兮漏永輦路清
兮風微日華轉兮高映雲影度兮低回玄介煒兮炫彩寶匣
潤兮流滋於是乘以綵輿奠以玉帛昭茲靈睎

皇祖是格九鳳儼以臨軒百神肅而效職橫隱々兮高藏緜
煌々兮五色具

孝陵以永固壽斯文於無極重曰

聖皇臨御兮華風灑々天不愛道兮地不愛寶爰有神物兮

儲精龍潭昭茲仁孝兮格于

祖考龍潭之麓兮嘉木蒼蒼龍潭之水兮其流湯湯產奇寶
兮協于禎祥山靈呵護兮曷敢闕藏獻

金門兮登明堂萬眾覲兮咸樂康粲星斗兮煥文章垂典謨
兮冠百王紹天明兮允以臧吾

皇萬壽兮應寶祚以靈長

麒麟賦

胡儼

惟

聖皇之御宇致中和以立極舉六合以甄陶撫四海于寧一
德無遠而弗屆心一視而同仁民雍雍以和樂物熙熙而皆
春既體信以達順固諸福之畢臻四夷悅而賓服乃輦珠而
貢珍爰有神獸至仁所鍾以和召和重譯來通麇身兮牛尾

馬蹄兮碧趾。草茸茸兮弗踐。角振振兮不抵。音諧鍾以詒律。行應規而入矩。不群居而旅遊。必擇土而後處。山靈為之翊衛。嶽祇為之效祥。海波為之不興。颶風為之不揚。騶虞參兮。後先。楔偷遁兮。摧藏。聆和鳴兮。離離。曰遊聖兮。歸昌。辭絕域之遐遠。來靈囿而翱翔。天高高兮。氣澄。風穆穆兮。露灑。日朗朗兮。清暢。雲郁郁兮。流光。登金門兮。步玉墀。炳文彩兮。光陸離。玉珮鏘兮。變龍趨。簫韶奏兮。鳳同儀。茲玄枵之儲精寔。皇仁之所致。協關雎之嘉應。表明時之上瑞。

皇謙抑而不居。惟歲稔與時康。家豐裕而人多。賢彬彬乎廟廊。暨風淳而俗厚。乃國家之禎祥。昔軒后之無為。嘗西園兮宿止。歷成周與炎漢。亦來遊而享祉。曠千載而一逢。今兩見其靈異。昭華夏之文明。舞康衢之耄稚。三光全兮。泰階平。皇

道昌兮。聲教被仰。

聖子兮。神孫。傳仁厚於萬世。

春牧圖賦

胡儼

陟崇岡之逶迤兮。見平臯之廣衍。樹蒨々以舒敷兮。卉萋々而碧淺。夫何園之散牧兮。正春陽之潔洗。羗什伯為群兮。舍羈勒而遂閒。展儵騰驤以馳突兮。或夭矯而訛詿。首昂々其渴鳥兮。背虎文而宛轉。偶類聚以調諧兮。忽獨去而偃蹇。芳塵軼而紛藹藹兮。超林巒之近遠。駢駟駟之洗々兮。爛雲錦其相鮮。彼騶裏與驂駒兮。雖眾處抑又獨賢。浴清川之滔滔兮。飲石瀨之淺淺。依繁陰以息晁兮。藉綠縹之芊綿。新柔齧而肥澤兮。騁逸氣之翩翩。目炫耀而恍惚兮。孰驪黃牝牡之可宣。緊房宿之毓精兮。產渥注之重淵。登天廡入路軫兮。

歷承華與壽泉。王良伯樂既遇兮。豈鹽車所能伏跽重曰。
皇風穆兮遍九垓。胡塵滅兮天馬來。天馬徠兮龍之媒。游閭
闔兮觀玉臺。日融融兮春載熙。太僕牧兮近郊畿。近郊畿兮
水泉美。遂生息兮適其宜。適其宜兮畜蕃孳。吁嗟大僕兮無
失其時。

駟虞賦

鄒緝

字仲熙吉水人左春坊庶子

繫

皇明之興運。暨疆域于遐陬。仁恩被乎八荒。惠澤沛而旁流。豈
聖德之上昭。感靈物而來遊。瞻彼東郊。蔚平靈囿。春田未蒐。
夏木方茂。瑞應聿臻。有般其獸。觀異質之殊常。殆奇祥之天
授。爾乃濯濯其膚。如雪斯瑩。有黠其文。如雲思凝。體安舒以
自適。性剛火而弗驚。既不食夫生物。亦不引八草莖。雖視首

而虎軀。與祥麟而叶類。逢治世而始見。匪至德兮焉呈。惟其
來之有自。真王者之瑞徵。昔惟聞於載籍。今獲覩其儀形。想
夫明德上昭。天心攸屬。斗樞既正。搖光下燭。精英孕奇。瑞物
斯毓。稟質既殊。厥心惟淑。匪威眎之眈眈。乃取取而穆穆。蓋
百獸之敢同。實千里之逸足。匪林氏之遠來。近表跡于東麓。
於是山神効異。牧守告祥。煌煌燁燁。其儀孔彰。乃命山虞。羣
榴翳越。崇岡駕軒。車服騰驤。祝網罷設。罝羅解張。不驚不懼。
載趨載行。蘄浮雲而徐至。肅矩步乎鏘鏘。偉若茲之義獸。敢
登貢于明堂。於是百辟陪班。群工在位。表進嘉祥。稱揚上瑞。
紀迷盛美。光昭仁義。考往牒以陳辭。應瑞畜而稱事。若龍馬
之出於洪河。而人文爲之宣貴。若麒麟之遊于藪澤。而聖治
昭于萬世。奚赤雁之足歌。信儀鳳之可擬。固毛蟲之所長。與

四靈而為類。伊昔姬文王化是敷。化行南國。澤被生民。蒐田以時。廢物蕃殷。仁如騶虞。與物咸春。開有周八百年之遐祚。超三代而莫之倫。於惟我

皇上配千古。信仁同於湯文。至德放乎堯禹。智周乎萬物。道光於寰宇。猶夕惕而乾乾。慮民生之失所。感瑞應之沓臻。每謙抑而不處。謂財阜而年豐。乃禎祥之所聚。屢勤勅於百寮。毋藻辭以夸詡。方當恭默玄化。疑心無為。優游

聖域。以致雍熙。放麟虞于郊。數育龜龍于天池。追淳俗於太古。齊神化于皇羲。斯誠吾

皇之至願。而實為億萬年無窮盛治之鴻基。

閔志賦

黃淮

字宗豫。永嘉人。少保戶部尚書。兼武英殿大學士。謚文簡。

閔予生之多故。兮。羌不知其所從。肆遐搜而隱索。兮。究微末

之始終。繫髮年之向茂。兮。即有志於聞道。呻佔畢而事鉛槧。兮。夫既後吾之所好。奮侯類而躋壁雍。兮。謂青雲平步而可登。採蟾窟以擢桂。兮。翼黃鵠而驂鷗鵬。振璫琚于天衢。兮。與夔龍而接武。集鳳池而上玉堂。兮。曾袞職之莫補。仰

繼明之垂照。兮。荷眷蒙遇之日隆。賚予紛其駢蕃。兮。莫千載之竒逢。誓輸忱而瀝膽。兮。覬曷報於涓滴。嗟夙志之未酬。兮。遽速釁而罹辟。懷兢惕而內省。兮。豈持操之靡常也。何弗良于行。兮。致顛躓之我戕也。駕指南而之河朔。兮。遐不虞其所屆。結蘭茝以泛溟渤。兮。亦罔知其攸濟。聞

德音之煥頌。兮。咸鼓腹而興歌。慨涸鮒之枯竭。兮。猶未沐乎恩波。意休復之有方。兮。契我龜而焦之招巫。咸使考卜。兮。或開予而導之。謂陽舒陰慘。兮。皆至仁之流形。彼困心衡慮。兮。

庸玉汝於有成亮食兆之告吉兮亦昭昭其孔彰也味賢哲
之遺訓兮將何脩而允臧也重曰
孰始而張繫
帝力兮孰後而過自貽戚兮處困而亨致命以為則兮噫嘻
小子庶其無斃兮

四愁賦

黃淮

冲虚子索居屏迹息慮省躬因洞觀夫玄化爰有感於深衷
年與時馳羗景物之不異情隨事變何忻戚之靡同若乃陽
和煦育品彙昭融穠李芳桃耀繁華於朝日金鞍綉轂醉羅
綺於春風轉歌喉之窈窕藹香霧之空濛蹋鞠鬪雞斯遊未
已爭妍索咲其樂何窮我則低摧喪氣憂悶填胸虛負歲華
之遷易那知花信之始終聽簷外鳴禽空教夢斷見牆頭飛

絮如覺春濃嘒窮途之寂々柰幽思之忡々至若蘭雨傳香
鷗波漲綠開池館以來南薰折荷簫以泛醞醪和白紵之新
詞歌采蓮之麗曲或鳴琴以俯清流或岸憤而倚脩竹扇影
風泛兮齊紉簟綬涼透兮湘玉我則衆穢流腥炎蒸蘊毒飛
蟲旋繞遣拂何暇於言談流汗沾濡起居不離乎裊辱紛然
塵垢之侵肌叢尔竈烟之迷目焉敢恣其趨蹌豈能頻於與
沐及夫序屆三秋金風扇冷時維殘臍素雪揚威盼卿信之
沈迷日窮鴈字若凝寒之慘慄體怯鶉衣漏沉兮長夜魂
渺兮親闈聒鐸傳聲兮駭膽而慄魄殘燈照影子洒淚而
長吁于斯時也尔乃闢勝誇奇携朋拉友浥九霄之沉瀝待
月南樓翫六出之奇葩張筵北牖列侍女擁歌姬薦嘉肴稱
壽酒婉兮媚物之情哆兮懸河之口第恐為樂未央而盛時

年貌之不留。又豈知窮愁迫感。而羈人歲月之易久也。嗟夫。予嘗究夫庶物之理。萬化之原。是非互見。得失相沿。競侈靡。縱遊觀。則流之於放。閔阨窮。極愁苦。復溺之於偏。况消長盈虛。實玄機之旋斡。而窮通壽夭。豈人事之能遷。是故陋巷簞瓢。回也不改其樂。易箒待盡。參乎獨得其傳。又若陸續顛危。而不忘乎孝行。史遷殘毀。而猶校夫陳編。韓退之貶潮陽。而侃然正大之氣。上干霄漢。杜子美之走川峽。而懇乎忠愛之情。屢見詩編。此皆騰輝於汗簡。非徒誇大於浮言。復有至人道。倫德全。不與時化。不為物牽。胞悲喜於一致。安性命之自然。匪棘匪徐。留心澹泊之域。爰清爰靜。游神冲漠之天。斯其盛矣。我願學焉。

北京賦 李時勉 安福人 號古廉 翰林學士 國子祭酒

言明之文

天命也我

太祖皇帝首仗義師。以平暴亂。豪傑景從。聲振江漢。削除僭竊。拯民塗炭。定鼎金陵。撫綏萬邦。乃睠茲土。寔雄朔方。做成周之卜洛。欲並建而未遑。逮我聖上。繼明重光。握乾御極。一遵舊章。仁聲洋溢乎遐邇。恩澤汪濊於八荒。既致治於太平。遵皇衢以省方。仰先志之未遂。度弘規以作京。羗經營之伊始。徧夷夏其懽騰。曰惟北都。在冀之域。右挾太行。左據碣石。背疊險。兮重關。面平原。兮廣澤。宗恒嶽其巍。鎮巫閭而奕。冠九州之形勝。

文前頁尾卷六 三十一

實為天府之國。是以軒轅邑之以分州。唐堯階之以為帝。擴
神化以宜民。大勲德之光被。鬱王氣之所鍾。于今茲而有待
也。於是仰瞻析木。俯測地靈。龜筮兆吉。天人叶應。神祇獻珎
而山石自出。河嶽效靈。而神木自行。民子來兮。相續期不日
而成功。爾乃懸水樹泉。識景表營。方位既正。高下既平。群力
畢舉。百工並興。建不拔之丕址。拓萬雉之金城。引天泉於西
阜。環湯池而鏡清。九衢百塵之通達。連薨邃宇之縱橫。顧壯
麗其若此。非燕逸而娛情。蓋所以強幹而弱枝。居重以御輕。展
皇儀而朝諸侯。遵先軌而布仁政者也。若乃四郊砥平。皇道
正直。視萬國之環拱。適居中而建極。其南則萬流宗海。平林
蔽天。攬邯鄲鉅鹿之廣衍。馳平疇沃野之綿延。漭淤恒衛徑
其野。濡磁涑滌匯其前。界以大陸廣阿之弘壤。阨以大茂井
陘之連山。包絡趙魏。襟帶齊魯。膏腴之地。綿亘三千餘里。而
極于黃河伊潁之川。其水陸之所產。卓犖繁盛。蓋莫得而計
焉。其址則疊嶂轟崖。層巒蔽虧。長城矗乎雲表。百泉湧乎山
隈。壯天關而設險。守一夫而莫開。偉左盤而右顧。宛鳳舞而
龍飛。寔磅礴而鬱積。粵擁衛於邦畿。包狼山上谷之阻。據野
狐獨石之危。掩祖山木葉之離立。連白登紫塞之逶迤。控女
真而極乎洮河之北。鎮朔漠而逾乎瀚海之涓。瓊棗之類。犬
羊之群。畏威懷德。相率而來歸。其東則潞河通漕。控引江淮。
肥洳灤涑。灌注縈迴。連峰片石之隘。首陽控洞之厓。玉田白
壁。神仙瑤臺。超無終而越金山。跨遼瀋而逾鴨綠。至於賜谷
日出之涯。固已遐哉邈乎。而莫不在乎。緩懷環以大海。衆水
百川。洪濤巨浪。洶湧崔嵬。蓋不知其幾千萬里。而變商番舶。

帆檣隱天。上下不絕。而往來。又有蓬瀛方壺。鳳麟聚窟。十洲三島。靈異非一。流精之闕。瓊華之室。墉城岩堯。金華翠華。紫氣丹青。景雲矚日。靈圖徑佳。安期羨門之倫。相與游從。乎其間。出入隱見。而恍惚瞻。

帝京其伊邇。度可見其駭。鸞駕鶴之髣髴。其西則崇山鬱翠。高挹秦岱。北接居庸。南首河內。奇峰擁關。龍門阻隘。玉泉垂虹。青烟浮黛。上截嶠兮倚空。下蟠據而際海。其麓則有渾河。湯之。西湖決之。塩溝琉璃。乘乾廣陽。雪波泛湧。灑濇汪洋。一瀉千里。會流。

帝鄉。又有上林禁苑。種植畜牧。連郊踰畿。綠丘彌谷。澤潏川匯。若大湖瀛海。渺瀰而相屬。其中則有奇花珍果。嘉樹甘木。禽獸繁育。馳之籍之。不可得而盡錄。固可以因農

隙而校田獵。選車徒以講武事。乃遵國風稽王制。詔期門簡將帥。乘玉輅。擁翠蓋。出天關。而雷轟。轉轅芳郊。而雲會。非所以威我誇狄。娛樂騁意。蓋將取不妊。而除苗害。狩無擇。而順殺氣。謹大易之用於三驅之時。驗騶虞之仁於一發之際。水衡虞人之容與。武夫壯士之奮厲。皆知夫仁者之為勇。而以投石超距之足。鄙亦何必殄夷禽獸。割鮮野食。而以俛仰極樂之為貴也。若夫其宮室之制。則損益乎黃帝合宮之宜。式遵乎太祖貽謀之良。居高以臨下。背陰而面陽。奉天凌霄。以磊砢。諱身鎮極。而崢嶸。華蓋穹崇。以造天。儼特處乎中央。上倣象。六天體之圖。下効法乎坤德之方。兩觀對峙。以嶽立。五門高。轟乎昊蒼。飛閣屹以奠乎四表。瓊樓嵬以立于兩旁。廟社並列。左右相當。東崇文華。重國家之大本。西翊武英。嚴齋居而。

存誠彤庭玉砌。壁檻華廊。飛檐下啄。叢楹高驤。闕閭闔其蕩蕩。儼

帝居于將。玉戶粲華星之炯晃。璇題納明月而輝煌。實珠焜耀於天闕。金龍夭矯於虹梁。藻井煥發。綺窓玲瓏。建瓴聯絡。復道迴衝。軼霄漢以上出。俯日月而盪胸。五色炫映。金碧晶熒。浮輝揚耀。霞彩雲紅。其後則奉

先之殿。仁壽之宮。乾清坤寧。眇麗穹窿。掖庭椒房。閨闈闕通。其前則郊建圓丘。合祭天地。山川壇壝。恭肅明祀。至於五軍度府之司。六卿百僚之位。嚴署宇之齊設。比館舍而並置。列大明之東西。割文武而制異。至於京尹赤縣之治所。王侯貴戚之邸第。辟雍成均。育賢之地。守羽林而賞攸飛者。至九十而有四衛。莫不井列而恭布。各雄壯而偉麗。其岩廊之。則

文稷聖之倫。元凱俊乂之輩。相與賡虞廷之詩。談美善之
美是以。階聲補衮之能。懷忠貞之志。考禮文於大備。贊聲樂之盡

朝無缺政。德教漸暨。溥海內外。均陶至治。幸其有作。聿來茲事。成此大功。忘其勛。人和既極。休徵滋至。慶雲瑞靄之覆于闕庭。素鳥玄兔之獻于丹陛。醴泉屢出。甘露數墜。麒麟騶虞之珍。馴獅天馬之類。紛紜襍深。莫能殫記。下以見天眷之益隆。而

聖德之純備者也。於是正月上日。工既訖。工爰告成於天地。肆詔美於祖宗。清心疑慮。齋沐肅雍。樂盛既潔。牲牲既豐。芬郁。以旁達靈續。其來降。錫嘉貺之穰。介景福於帝躬。將順應於昌期。趾盛美於無窮。乃服袞冕御

帝座開九重之深宮。受萬邦之朝賀。內侯甸而要荒。外殊方而異俗。胥近悅而遠來。紛鼓舞而匍匐。方物溢以充庭。多絢燦而駭矚。率蹈舞於階墀。效華封之三祝。爾乃浹和會。昭景樂。鑿鯨鐘。奏雅樂。

詔光祿以開筵。合百辟而燕樂。饌玆玉兮芳馨。疊瓊漿以斟酌。聯貂蟬兮夾陛。襍蠻夷之荒服。莫不酣暢而飽德。咸頌歌而踴躍。越填城而溢郭。藹歡聲於寥廓。斯可以媿太古之無為。慶華胥而蹈栗陸。顧

皇上之謙抑。視至治為未足。於是降德音。播嘉惠。省刑罰。薄賦稅。汰冗濁。旌廉吏。舉賢才。擢俊乂。發倉廩。賑貧匱。尊高年。而禮有德。慎防禦。而修武備。貴爵重賞。以厲廉耻。厚往薄來。以馭夷裔。蓋欲使人知所本。士知所勸。四方萬國。無一民之

失所。窮陬僻壤。無一物之不遂。舉陶於春風和煦之中。而樂於雍熙泰和之治。此蓋堯舜兢業之心。文王敬止之意。所以紹鴻業。繼

先志。益宏遠而有偉。故不勞而甚易。冠絕乎前古。垂休於後世。固可必

聖子之與神孫。益昌盛而無替。小臣微陋。忝職文字。願賦

京都之盛。際揚

國美於萬禩。復為之歌曰。煌煌

帝都。方逾鎬豐。阻山帶河。方壯以雄。天開日明。方王氣所鍾。宵隆造天。方惟

帝之宮。鄒氛禳兮。開滇濛。鎮夷夏兮。宣皇風。王道平兮。四方未同。願

皇圖之葉固歷萬世兮無窮。

獅子賦

李時勉

偉西域之奇獸性猛戾而形殊匪圈束之可制豈韃緹之能拘離中國其既遠固難得而見諸惟

聖皇之御宇德無遠而不被越侏儻與左衽率獻珎而奉贄豈茲物之是遺歷重譯而俱至觀其鉤爪戟利鑿齒霜潔首

固蜀山之金額壯昂吾之鐵紺眼晶熒蒼髯煜燿體性稟金精之剛毛質得中央之色尾掛之兮綴衣腹咬之兮凝雪清

風飄拂乎柔毳赤日眩曜于廣臆嗚則威聲雷奮顧盼而目光電激林谷為之震動江河為

倏忽奮怒揚威而百獸戰慄萬生楔偷屏跡白魁懼以奔竄玄熊

虎豹而喋血茲所以為毛群之特而非可至以人力也昔軒轅之盛時曾一見于東巡歷億載以逮茲幸有生之逢辰顧

西極之綿邈沐膏澤於皇仁雄姿弭其如擾猛氣婉以自馴固將遠攬騶虞接迹祥

麟游乎靈囿之內違夫寂寞之濱安能蹉跎於哈烈之地與歲月以因循爾乃憑祥雲駕雕闌涉流沙踰玉關倚天路而

喋足望都城以怡顏金門曉兮洞開龍駕儼以臨軒與萬物而並進伏丹墀以盤桓珍禽奇獸固非

聖人之所重而嚮風慕義乃遠人之所先亦惟我皇上有懷遠為近之德居重馭輕之權故四夷咸服中國真

安仁恩溥洽而茲獸自致乎苑囿之間是蓋同符於越裳之貢雉而實

盛德至治之應。豈徒夸以為奇玩。若赤烏白兔之與角端也。哉。嗟淺薄其何庸。旅進退於金門。同百辟以拜舞。覩盛美而欣歡。繼頌聲以獻賦。効微衷之惓惓。願皇圖之鞏固。祝聖壽於萬年。

白象賦

李時勉

炎漢之濱。和氣薰蒸。山川毓秀。搖光降精。祥氛瑞靄。煜煜熒熒。而奇獸於是生焉。其色浩潔。厥狀瓌奇。脩牙玉潤。柔毳霜披。燭青霄而有耀。瑩白壁而無疵。滄甘露以澤質。沆瀣以充飢。崢嶸乎宇宙。掩映乎朝曦。鼓舞踴躍。風迴電馳。爾乃出林谷。麻嶽嶽。遊廣澤。憇郊陲。祥烟被體。白日凝輝。長駕而山谷震。昂首而絮雲霏。濯清流於碧海。歛素來於咸池。行大陸而冥澈步。皓月其誰知。若乃賦性易馴。任力莫敵。動若嶽徙。止猶冰積。恍雪山之峨峨。訝瓊島之奕奕。首不以觸齒。不以齧其產也。固由乎天造。其致也。不藉乎人力。進退步趨。必由規矩。蹈舞跪起。寧勞於訓飭。巴蛇為之欽慕。文犀為之辟易。茲蓋異於伊水之長洲。豈獨產於弗林之大食。使姬旦見之。應獨驅於虎豹。軒轅得之。亦何羨乎白澤。此其所以罕聞於前古。而兩見於今日也。爾乃錦首燦爛。羅絡玲瓏。掖以群類。從以胥童。顧盼燁煜。步履從容。辭荒服之遠徼。獻蓬萊之新宮。豈比夫深山之麋鹿。徒接迹於蒿蓬。固當與麒麟而為侶慶。

盛世之遭逢。遊靈囿以自適。沐高澤於無窮。

河清賦

楊士奇

各寓吉安泰和人少師兵部尚書贈太師謚文貞

歲在旃蒙。月維攝提。其日癸卯。晨光初晞。祥飈融暢。慶雲爛垂。天子御丹臺。闢彤闈。班龍節。建鸞旗。肅九重之容衛。紛百辟其來趨。促武乎金門。屏息乎彤墀。乃有陪臣晉國之使。瀕伏殿陛。陳詞獻馭。上言河清。河津之涘。發書訊占。聖皇之瑞。臣實睹之。敢告。

天子。天子曰嘻。天道應人。必以類至。作德者降祥。弗德者墜戒。予未究乎慎脩。其何以與於是也。使有既出。時則徽侯。公。群卿列秩。仰聆玉音。愉。愉。固已。其靈祥。未備究。事實。退就使者而悉焉。使者曰。昉河流之將清。蓋堯時而異狀。其始也。沉碧凝黛。流丹曳虹。忽易復殊。黠色。彌望。爛素華之皓潔。汎玄晶而滌沉。妙神化而屢殊。協五行之遞旺。方其

而演迤。拖齊穀而浮漾。影萬象於昭晰。而淨纖塵之泱泱也。於是傳告雜遝。聽聞駭惑。奔走道路。聚翫厓側。晴日炫奪。心懷暢悅。鑑妍者賞明。濯汗者避褻。此其大畧也。其詳未易以遽說焉。於是聞者俯而思。頤而言曰。河之發源。出乎崑崙。於澗。澗。漫。混。渾。濁。涇。方。之。而。尚。冽。潢。潦。凝。之。而。同。昏。然。而。其清為聖君之瑞。見於子午拾遺之記。兆天下之平。出乎京房傳易之論。洪惟我

皇繼序

太祖道合羲軒。功隆舜禹。政教施乎萬邦。德澤流於九土。斯河清之協應。豈偶然之故也。蓋水之為用。滋潤長育。六府所叙。功同土穀。造化於是而發祥。非在惠養斯民。而致其豐足者乎。革去濁汗。瑩然湛明。非在蕩除貪穢。而用夫廉清者乎。

斯盛治之所本。豈尋常之為異。雖

聖德之弗居。諒天意其有在。固將治化之熙明。而徵太平於聖世也。躬逢盛事。振古所希。拜手陳賦。繼以歌詩。詩曰。水先五行兮。天一攸生。維河之祥兮。華汙為澂。千歲一見兮。協我

聖明。澤流潔清兮。隆化斯徵。於千萬年兮。邦家之慶。

甘露賦

楊士奇

聖人膺乾符。御九五。溥

帝澤。肅

皇度。弘德化于萬方。明威令於率土。盛矣哉。治平之世。紹漢唐而躋邃古也。惟

皇聖德同符。舜禹功愈大。而愈恭。恒存戒於滿假。肆服外以安內。兼修文而講武。蓋將奠斯民於衽席之安。而壽

宗社於磐石之固也。於時寒霜既肅。孟冬維叙。百穀登場。三農畢務。順上天之時令。考聖王之典故。將簡閱於師徒。而狩田之爰舉也。吉日丁丑。式啓鸞輅。風伯警途。雲師先御。左翼青龍。右衛白虎。前導後從。丹鳳玄武。千乘萬騎。森馳電騫。至夫天璽之東。武岡之陽。翠華於是而駐焉。粵茲山之先夕。煥幄殿其夙具。風清冷兮。淑穆月皎。絮兮不霧。直氏北之一星。耿煌。乎天乳。旦而視之。岡巒之表。松柏之樹。已厭澁乎甘露矣。輕若霜凝。濃若雪積。散若玉屑。圓若珠綴。霏柯撒條。比比而是。蓋芳飴不足以擬其甘。醍醐不足以喻其味。於是六軍警異。懽賀拜跽。山呼谷應。

天子萬歲。

天子於是更罷衣。乘飛黃。後造父。御王良。升高眺遠。周覽四方。紛營隊其整列。森部伍之分張。震笳鼓。弔過雲。凜戈戟。兮飛霜。布儲胥。兮四合。渺且網。兮彌望。乃有上公。徹侯材官。騎士。分馳方櫜。環驅迤靡。追奔截翔。習霍迅駛。於是金羆玉兔。赤豹青兕。麋鹿麋麋。白鴈文雉。倉惶怖懾。氣奪魄褫。或跳踉而未已。或蒙茸其猶起。矢不虛發。一發五殪。槩不虛擲。應擲。端斃。巧捷妙中。闢翕變態。殺獲生繫。蓋不可為數計矣。

天子既嘉雄武之士。尤重三驅之義。乃下詔止焉。於是時也。物不窮殺。農不妨耕。將悅騁志。士樂獲盈。群情快適。笑懼騰騰。天子於是命衆。激營旋駕。鄣城升金根之車。鏘寫和之聲。揭日月之旗。揚析羽之旌。鳴鏡疊鼓。條暢鏗錡。不亟不徐。雍容安行。歷東華。登大廷。御黼裳。朝公卿。文武濟濟。介冑并纓。以

及海外遐裔。蕃王臨臣。莫不舞蹈上壽。同聲一情。皆以謂

天子致勤武事。篤在保民。感至和之瑞。而兆

國家生民萬億年太平之慶也。猗歟盛哉。昔之子虛上林。羽

獵長楊。馳騁浮詞。以誇詡弋獵之樂。殺獲之富。游觀之奇。而

其實無所取徵者。彼安知

聖皇至仁盛德。上契乎天心。天人協和。靈瑞駢應者乎。臣職

詞苑。躬覩嘉祥。稽首陳賦。繼以詩章。詩曰。

天子仁聖。保康垂民。民之允懷。皇天維親。至和萃靈。嘉祥駢

臻。介福穰穰。

天子聖仁。又曰明明

天子受福于天。德威所被。下竟八埏。內固外順

宗社尊安。

聖子神孫於千萬年。

師古堂賦 為宋仲智太守作

楊士奇

若有人兮鍾金華之清淑。

帝相德而錫命兮。蒞侯邦於南服。廣仁智以為堂兮。崇忠信以為基。敷廉潔以為垣兮。申禮防以為階。荃秉志之忠貞兮。竊獨惡夫頗僻。逝佹佹不憚夫勞兮。願追武於前轍。道往古之多岐兮。世俛俛其孰智。指墨氏以為仁兮。謂楊朱以為義。周公肇錫余准繩兮。仲尼又遺余以規矩。視有莘以為正兮。又顏淵以為度。嗟紛々其蕭艾兮。獨是焉備乎衆芳。同重華之純粹兮。並三王之顯明。昭白日之蕩々兮。相惟是其獨貴也。決勇往吾無狐疑兮。人非遠而難企也。微顯吾永蹈兮。動與靜而無違。彼後世之捷徑兮。固遠引而去之。先民又告余

兮。曰降衷無不全。哲與愚既咸稟兮。古與今亦同然。雖明聖之迭興兮。焉能於此乎增益。信由已而匪人兮。予何違々而求索。感申々其好言兮。示攸行之先路。終吾身以服膺兮。願不改乎此度。重曰。射惟羿之宗兮。奕惟秋之因。唐虞世其遼遠兮。道有在而弗泯。泝從循之兮。徵厥心以為則。信克已而格民兮。庶將徧為余之德。

離諧賦

楊士奇

離諧毀之橫發兮。志沉鬱而弗宣。指厥行為淫僻兮。余憤惋以代言。惟弱操其好脩兮。穆員冠而履方。被頽霞以為衣兮。攬素霓以為裳。援古人之高駕兮。將馳騁乎雲之路。豈發軔猶未遙兮。遽捐矩而改錯。襲仁智以自重兮。乃承謗而逢尤。肆腥膻其酷烈兮。又何有乎杜蘅。與江離相梧桐之挺特兮。鳳凰

翻而來止。既鄙薄又不潔兮。謂伯夷之所以紛讒口之嫉妬
兮。羞惟聽而不味也。固衆人所一情兮。謂夫人亦不異也。彼
自好猶弗珍兮。實潛人乎奚疑。曰忠貞不可忱兮。何貪婪而
又不惑言倡一而和百兮。明智孰諒其允臧。告曾參且殺人
兮。毋猶忡惕而惶。傷白黑之混一兮。竟莫察乎其故。旦悅
悅以亘暮兮。夕營營以連曙。重曰。世夢。既不顯兮。又曷寃
結而煩情。上白日何皎。庶幾猶鑒乎中誠。驟發辭其不
衷兮。揆於余又何有愆言申。以騁媚兮。終不究而寤旃。昔
人有明訓兮。止謗曰無校。曠來日其悠遠兮。庶秒忽兮。猶覺

退思齋賦

王英 字時彥 臨川人 禮部尚書

仰

列聖之光明兮。爰累陟於崇階。歷歲時之嘉泰兮。賢藉寵而
然而有懷。巖廊。其高遠兮。華珮肅而逶迤。貳道揆以寅亮
兮。在燮調于化機。統百工以均理兮。曰熙隆於庶績。念付託
之攸重兮。惟宣力而振德。敢暇豫而自休兮。以出位而為辭。
乃端默而凝志兮。極圖繹於謀為。緬姬旦之兼慮兮。夕不遑
以繼日。慨鄭公之忠謹兮。陳十思而戒逸。企先夢而後樂兮。
與垂紳而端笏。允蹈迪于前軌兮。亶古人其為匹。說嘉謨以
啓沃兮。畢率下而正色。鄙衆志之茫昧兮。徒賀以自嬉。百
度曠而弗飭兮。胡能以公而為規。慙小子之薄劣兮。以師尹
為具瞻。詠周雅之射思兮。願以茲而永監。亨泮奩之百福兮。
羞有赫其令聞。竊灌而陳詞兮。諒賢智其知言。異服膺而
弗置兮。以退思而書紳。

夢菊賦

為劉逸人作

周忱

字恂如廬陵人號雙崖工部尚書

緊容齋之苗裔兮。儻好爵於明廷。志冲澹以踈散兮。慕昔賢之幽貞。雖托迹於鳳沼兮。恒適意於林垆。曰琳館之偶憇兮。寄毫素於仙經。因體疲而假寤兮。心恬悅而遐征。涉彭蠡之浩渺兮。陟匡廬之崢嶸。得孤村之深邃兮。何雞犬之弗驚。荒土人之野服兮。携童穉以歡迎。指三逕以欵客兮。見秋花之滿庭。或攢金而吐艷兮。亦疊玉而流精。雖搖落之屆候兮。傲雪霜而敷榮。爰掇英以泛酒兮。對南山而舉觥。拂綠綺以寄詞兮。歌歸去以怡情。訝襟度之超異兮。訊境物之攸名。粵柴桑之與栗里兮。即晉賢之淵明。方得意以笑傲兮。劇抵掌於平生。胡睽隔之遽迹兮。倏驚覺而回醒。既晤言於頃刻兮。泚予懷之忤々。爰泚筆以揮灑兮。寫東籬之繁英。時展玩以寄興兮。亦寓目於良朋。知同志之相感兮。曠千載而合并。系之以歌曰。我思古人兮。采桑之曲。粲東籬兮。嘉菊。夢寐見之兮。欲往而復。千秋萬歲兮。仰芳躅。又歌曰。我思古人兮。彭澤之西。掇菊英兮。泛酒卮。夢寐不忘兮。恒見之。千秋萬歲兮。同襟期。

平胡賦

熊直

字敬方吉水人號西澗贈右都御史

聖皇御極。天地寧一。海波不揚。殊方重譯。登貢明堂。以脩厥職。梯山跨海。以億蠢茲小虜。殘孽之餘。敢肆昌獫。以干天誅。聖皇斯怒。躬勞剪除。爰整六師。吉日載除。寫旗萬乘。不疾不徐。經行朔漠。殲厥魁渠。天子之兵。有征無戰。駐蹕于河。勢奔雷電。即日元惡。自殞厥首。脅從罔治。何有群醜。

天子曰嘻。是亦生靈。緩師逸敵。假彼其生。幕南萬里。無有王庭。張我華風。去彼羶腥。我皇仁聖。天地之情。維昔

太祖奮厥神武。盪滌妖氛。復厥疆宇。我皇繼之。率彼熊虎。靖安邊庭。不憚勞苦。雪耻百王。報克千古。德邁神堯。功高太岳。視昔孱器。俱無足數。旋師告廟。銘功彛常。匪今之耀。萬世之光。

蘭竹賦

熊直

幽蘭兮菁菁。白石兮嶙嶙。羅生兮靡蕪。與脩篁兮依倚。彼君子性堅直兮。亦芳馨兮。被體嗟靈均兮。既遠。溘風埃兮。易昧。緬余懷兮。佩纓。將以遺之。沅澧。

銀臺桂花賦

桂字在器廣東東莞

繫銀臺清峻兮。適臨通衢。近睇丹闕兮。仰瞻宸居。相後堂階前兮。土厚而腴。中鮮他植兮。惟桂一株。托根喜得所兮。與荒僻之產者殊。歷歲月之久遠兮。蒙雨露之沾濡。猶甘棠不剪伐兮。秀也暎乎上林。藉仁風之嘘拂。荷瑞日之照臨。秉堅貞之標兮。豈若薜能侵。信衆人莫得而覩兮。恒見賞於朝簪。時屆仲秋。天氣已肅。落葉紛披。空見岩谷。睠茲桂兮。擅乎幽獨。葉稠密兮。疑翠枝含潤兮。猶玉散。天香於九里。燦金星於萬斛。致名卿之歌詠。炫辭華之郁。視廣平所賦梅花。淵明所詠籬菊。雖寓興兮不同。而文辭之美。蓋足嗣乎芳躅也。記昔擢科兮。折蟾桂之在手。逮長銀臺兮。日趨朝而敷奏。退食自公兮。嘉茲桂之毓秀。念兩挹天香於明時兮。誠非不偶矣。竭忠以圖報兮。又奚羨乎燕山陰德之厚。諱曰。

文翰類選卷六 三十一
桂樹團之兮。邇華堂其花方烈兮。號天香見詠於朝紳兮。而名愈彰。視彼產於荒山窮谷兮。其何敢方。

歲寒軒賦

陳璉

猗歟美哉歲寒之為軒也。去戎衛而匪遙。隣公解之伊邇。峻宇臨街。崇基猶砥。文窓洞開。遠見百里。雖創建之高明。較于制而靡侈。每肆遐矚。足暢幽情。群山獻秀。或蒼或青。奇形異狀。不可得而名。惟松與栢。近乎簷楹。根蟠厚地。樹蔭空庭。於是外設緇簾。內施斐几。爐鑄博山。劍懸秋水。蓄鄴侯之書。講卻穀之禮。延賦詠之鴻儒。遠酣歌之妖妓。凡古今之名物。亦無求而弗備。想夫軒居整飭。松栢蕭森。陽鳥轉影。綠雲布陰。苔錦滿地。市塵不侵。巢遼海之孤鶴。來炎州之玳禽。度清風。萬壑激鳴籟於喬林。於斯時也。正宜投壺雅歌。擊節長吟。

或鼓曾點之琴。或操伯牙之琴。神境適愜。萬慮消沉。然則此皆尋常之樂。未足以表歲寒之心也。至若萬木號寒。窮陰閉塞。臘雪飛瑤。山川改色。郊野斲樵。牧之踪。江湖絕禽鳥之迹。百卉以之而摧殘。萬彙以之而變易。惟松栢之森然。翠盈々而欲滴。於斯時也。寄傲軒中。或倚或徙。醉飛觴而飲羊羔。坐清談而揮麈尾。效斯立之吟。哦慕田鴛之服餌。因有感於流光。復細推於物理。何草木之易零。惟松栢之獨美。想其為物也。受正氣於天地。稟精華於陰陽。故能挺生奇質。異乎衆芳。排九霄之風雲。傲嚴冬之雪霜。恬晚節以自高。期有用於明堂。豈聖人嘗取以比君子之德。而君子亦假歲寒名軒以徜徉者耶。諱曰。

嚴冬屆兮。萬物閉兮。雪霰紛々。山川寂寥兮。俯仰六合。浩無

維茲嘉植節操貞堅共守歲寒以盤桓兮

皇都大一統賦并序胡啓先

號退山安福人監察御史

臣聞述帝王之功業者要在本諸其德也然考夫班孟堅兩
部之賦左太冲三都之辭徒拳拳於昆虫草木之富侈田獵
遊觀之娛樂以誇多騁靡為務是皆志夫小而舍夫大先其
末而緩其本者也欽惟我

太祖高皇帝以至聖之德混一區宇之初嘗有志於都冀而
未遑我

皇上以至聖之德續承大統之後乃即古之冀方而肇建
皇都以來朝貢而出政令實盛典也乃以永樂庚子冬厥功

成越明年正月甲子朔

甲戌郊祀天地戊寅大赦天下

於是自公卿百執事而下莫不歌頌

聖天子天覆地載之德於今日也臣忝職憲臺荷恩深重不
勝感激懼怖之至謹因其述宮城山川地利之富麗天命人
心之協應以推本夫大德而為之賦曰

若有儒生微臣好古耽文遠稽虞夏商周之載藉近閱秦漢
唐宋之遺言於是歷冀毫而覽豐鎬睇咸陽而望長安仰東
西兩都之制於往昔觀南北二京之壯於今日載閩淮濟載
涉河易爰眇大行爰俯碣石顧并營以徬徨履滄薊而踣蹠
觀於都城則氣象弘廣即夫山川則形勢雄壯其物產之利
素豐饒其人民之俗尚義讓乃上天之眷命而

聖人之化成實在於斯故我

朝肇建

皇都而天下一統宜在於茲耶。方漢慕而未已。若恍恍而何之。迺有先生長者雍容怡愉邀坐而問曰。吾聞登山者必即其崇崗涉海者必測其汪洋。今子遊觀於皇都能舉其大綱乎。願聞其說。生曰。唯。生雖不敏請陳其槩。夫四通是交八達所會。水走舳舻陸奔輶載星拱萬國囊括四海其宮闕則奉天華蓋謹身三殿以正位乎外。乾清坤寧兩宮以三位乎內。位夫西則武英為宴居之密。位夫東則文華成繼體之大。其尊卑以天地為法象其交構與陰陽相合配駢集夫祀梓之材文彩夫玄黃之績。既觀天而穹窿極磐地而磊砢民庶咸子來工師呈巧最實所謂華美而不奢泰者也。其都城方廣萬雉弘闢九門建樓設閣通道達關晨鍾暮鼓更別漏分。上夫林立而工商雲屯者也。先生曰。此特宮闕城郭之美而已。願更其辭於其生復請曰。今之

皇都古為冀州伊洛距其前恒嶽倚其陔環西山而作城界東海以為溝羈梁雍而絡青兗控戎貊而御吳甌導江淮以共注引河濟而北流即金臺瓊島之可登皇撫大液瀘溝之可泳游阻居庸古北以為關則胡虜震懾關趙魏齊魯而成衢則侯甸來朝。宜帝皇之都而為萬世之良謀此太祖之所以創業而

皇上之所以闡皇猷也。先生曰。此亦山川形勝之驟而已。願悉其大於是生復請曰。地土肥腴千里夷壤良木冬榮嘉禾夏長松柏檜樟梨栗棗橡成林叢生干霄直上黍稷稻粱麻苧麻菽粟豐年蔽野暢茂接屋一夫所耕十夫是足一歲所獲

三歲之蓄於焉充棟梁而資廟廊供粢盛而具廩祿也。又有
珍禽異獸則若鷹鷂鴻鵠熊羆雉兔虎豹麋鹿翱翔郊藪馳
驅林谷隨取而獲應捕成觸于以備畋獵而具蒐狩供宴饗
而資庖肉也。先生曰：地利之美可以養人而非所以成化者
也。於是生復請曰：方今四海一家萬夫同志典文治者咸率
夔稷契之徒任軍旅者悉呂召孫吳之類。故六卿協衷而五
軍整礪加之居藩鎮者各恭厥職處守令者咸敬乃事是以
郡禮樂而邑詩書家和睦而人孝弟農樂耕稼士懷忠義商
通貨財工精技藝梯航而來襁衽以至也。先生曰：子知所以
化及於人者然猶未推夫所以受命於天者也。於是生復請
曰：陰陽調和四序順理雨暘以時寒暑應氣慶雲見于天醴
泉出乎地麒麟貢而鳳凰來龍馬獻而獅子至以及景星甘

露之祥芝草嘉禾之瑞白象玄兔之奇素鳥鸚鵡之異自

皇上續大統基皇極以來莫不駢臻而畢萃于以見上天眷
命之隆而

帝皇萬世之基兆於是也。先生曰：子知天命之所在然猶未
究夫感化天人之大本也。於是生乃載拜而復請曰：維我
皇上聖神文武德合天地道貫今古其繼天立極與伏羲軒
轅同制度也。其化成天下與唐堯虞舜合規矩也。其順天應
人與商湯周武協律呂也。故宜建宮城以為居保山川而自
固樂地利之豐盛獲天人之順助為天地之君師作萬世之
父母尊居天位安享國土言未既先生大笑而語曰：斯言盡
之可書以為

皇都大一統賦。臣學術粗疎才質愚魯拜而遂書載蹈載舞。

願頌

天子壽考萬歲願祝

皇圖垂統萬世

龍馬賦并序

胡啓先

欽惟

皇上以至聖之德履至尊之位。橐籥二氣之和。甄陶品物之

生。故自續承大統以來。嘉祥疊見。異瑞駢臻。是皆由

聖衷至誠之所感召也。乃者龍馬自山東諸城來貢于廷於

是公卿大夫莫不以為

聖天子道侔於天而為天所佑。是以萬世太平之兆。宜昭示

於今日也。臣誠懼誠怍。誓首頓首。載拜而獻賦曰。維我

聖皇統御乾坤。綱維時序。樞軸網緼。四海因之而寧謐。萬象

以之而化醇。俾羽翼之成。惟與蠢動而同春。於是倚山之東。

界海之濱。爰有神物來貢。來馴首昂。矯特之勢。背列方靈之

文。何出類而超群。如是耶。無乃天駟垂精。房皇毓麗。交構於

驪龍。坯胎夫騏驥。為自然之生成。而天縱之神異者乎。故夫

鬣鬣爽森。肉髮特起。卓犖踏雪之蹄。竦豎披霜之耳。日照赤

電之光。口噴長虹之氣。每奔騰而若飛。頻蹴踏而無倚。毛骨

匪等夫尋常。志意恒懷乎千里。於是逐層雲。追長風。跨河漢。

凌蒼穹。馳騁乎康莊之途。騰踏夫寰宇之中。朝并營而夕楚

越。倏南北而忽西東。自非伏櫪之可淹。實惟天廐之是容。乃

成上瑞。來貢王宮。匪力是稱。惟德宜崇。豈啻謂馬實名為龍。

於是我

聖天子乃以之鳴和鳶。而載玉輅。于以並駕乎黃帝乘輿之

安而豈假夫王良造父之為御哉。又因之明天道而闡人文。于以同符乎伏羲制作之新。而又豈羨夫漢武渥洼之所珎。或臣草茅微質。生夫盛世。觀

聖德之所致。非言辭之可擬。既從而賦之。又載拜而歌曰。

龍馬出兮四海寧。戴髮含齒兮賴生成。龍兮馬兮兆萬世之太平。龍馬貢兮國家昌。

聖皇垂拱兮壽而康。龍兮馬兮為今日之禎祥。

至日早朝賦

劉球

字求樂安福人翰林侍講贈學士謚忠愍

維宣德紀元之五載。建玄冥司令之中旬。羲和回馭於北陸。招搖指于初昏。玉璫之灰乃動。黃鍾之候維新。開萬物之大始。轉一氣於鴻鈞。幸會昇平之運於今日。宜致碩長之慶於紫宸焉。故時則靈臺是定。禮則鴻臚斯宰。用物則內外畢

備。執事則大小恪戒。莫不齋沐宵興。敬恭以待。是日也。反東方之未曙。仰明星之猶光。車塵紛兮以起。途燭燦兮交張。聽玉漏之滴瀝。望廷燎之輝煌。九門闢兮既廓。三鼓發而有鐘。填兩掖以競進。鳴雙珮兮鏗鏘。陛衛羅以萬隊。鹵簿設其兩傍。合之則為耦。離之則成行。牙旗羽蓋。龍文鳳章。玉節金鑿。及矛戈揚。衆不能名。美不能方。少焉日曛。曠兮東躋。雲縹渺兮下幕。浮佳氣於簾櫳。燦祥光於金碧。飛鳥隼兮垂翔。凝冰霜兮融液。爐烟起而香風飄。廷鞭響而群囂寂。闕象端嚴。容止仗馬。不敢喘息。然後啓瑤扃。來警蹕。鴻鍾鎗。鑾輿出。高明袞衣之日月。遠觀

天位之飛龍。黼袞後設。而斷必自乎睿思。冕旒前垂。而明不掩於重瞳。無動聲色。篤恭其容。儼然帝舜之正位乎南面。何

異周武之垂拱乎九重。其臣則王公侯伯。貂蟬眩幘。玉帶懸牙。朱衣襲褐。卿大夫士。降至百職。濟濟跼蹐。莫不盛飾。冠以品分。班以次設。東文西武。駕排鵠植。旁及服左。衽之遠夷。言侏離之群。豹詩書所不道之名。唐漢所不賓之國。皆奉玉帛而遠來。亦幸觀光乎其側。於是絳幘雞人。長鳴東廡。伶官發音。金石祝敵。琴瑟簫管。交宣送鼓。聲洋洋乎盈耳。節鏗乎有序。禮官唱讚。登降拜俯。進退跪伏。或躍或舞。咸中乎儀。罔愆于素。諸方匭進之辭。既進。萬口高呼之聲。齊舉。喜動乎天顏。聲震乎寰宇。迨乎大禮既成。祥慶荐臻。荷

天子之有命。賜衆臣休暇於浹辰。宴幣既頒。恩禮復勤。凡有生之衆庶。莫不願戴於一人。且夫冬之為節。自古所尚。豈但魯史備雲物之書。周官重園丘之享。蓋其在易卦則為復。而復之為義。取乎陰消而陽長。陽長則君子道泰之漸。陰消則小人道否之象。上必體此而思君子之道。所當崇。下必體此而思小人之道。不足仗。上下同情。是則是懲。務使邪枉不得害乎正直。讒慝不得妨乎賢能。則天下可納之仁義之域。功德可齊乎唐虞之稱。

皇圖於焉而永固。福物自是而駢增。

畜鷹賦

劉球

惟鷹之為鳥。有號曰鷓鳩。鍾炎精以為武德。稟金氣而多伐。謀習學則時乃夏。祭鳥而天已秋。威以時養。翎以日脩。非其類不與。非其林不休。此羽族之雄傑。百鳥所不得儔也。是以有炳其文。不一其色。竦膺而昂脰。傳頸而健翮。尾以合盧為貴。目若點凍之黑。喙曲於酋矛。趾利於鐵棘。望遠兮若愁胡。

立屹兮若置石。高舉則飄然凌乎九重之霄漢。下視則廓然見乎萬里之山川。倏然閩越。忽然幽燕。嶽靈不能障。川后不能延。其奮揚也。有尚父之勇。其捕逐也。有子產之賢。其數飛也。髣髴乎學者之功。其以小制大也。兼總乎御史之權。故百獸望之而跡斂。衆禽觸之則軀捐。豈其情之好殺。蓋亦天使其然也。一旦應明詔。沽善價。貯雕笳。覆黃帽。足紆碧絲之緜。以為常。首冠績韋之幘。而少謝。脫風霜於渤海之濱。濡雨露於闕廷之下。顧玩嘆賞。徘徊聖駕。迺命鷹坊。寧厥攸舍。處之溫涼之室。栖于丹朱之架。肥鮮飽於歲月。食息待於晝夜。幸遇比乘軒之鶴。不殊親愛。雖入懷之鷄。莫跨使其才不絕倫。則是寵也。亦何由而迓哉。迨乎閉蟄屆候。冬狩及期。萬乘雷動。億騎雲隨。則臂以金吾之衛士。乘以內厩之驍騏。左右乎

後光帝翠鳳之旗

決莽之野以較獵臨奔逐之

時而脫羈。是宜竭所能。鼓厥翅。與西越之獒。戮力東海之豹。合勢大搏。彼熊狸。小殪。此兔雉。獻獲虞人。奏功輿次。以羞大庖。以實賓器。以為乾豆。祖廟是事。思效報於一求。以免乎素餐之愧。則於息為不孤。於德為無負。苟飢則惟人是依。飽則高飛而遠去。則雖有矯之翰。善攫之距。較名而考實。曾鴟鴞之不如。若阨困而賴濟于人。為臣而叨食於主。蒙其施。當懷其報。可不鑒視於鷹乎。

龍駒賦

劉球

惟

皇上之臨御。措區宇於至平。迺氣和之感。召致龍駒之誕生。其擅誕之毓秀。抑星房之構精。產彼山河表裏之郡。進于日

月光華之延。雄奇則體乾象之剛。駿逸則孕坤牝之貞。蓋世
所未有之奇瑞。乃天所僅降之休徵也。觀其象。膚牛尾虬髻
麟膺。耳披竹而竦立。目夾鏡而雙明。頂攢花。方貼玉蹄。翻霜
兮勝瓊。妙姿體之殊絕。仙鱗鬣之縱橫。蓋負然不類乎凡馬
之為形矣。至其動。合矩度。鳴諧律節。馴不待習。馳不假策。觸
焉而不驚。秣焉而後食。勢矯矯兮斯誠。性循循兮無癖。順乎
人情。盡其物則。又宛然其有君子之德矣。若乃擁金鞍。騎玉
勒。出群則萬騎皆空。騁駕則千里一息。朝跬步於九道。夕周遊
於八極。紛紅塵兮後起。汎赤汗兮交滴。風邁而星馳。霆驅而
雷擊。又豈尋常之足所能擬其才力哉。是以隨渥洼之所產。
鄙大宛之所歸。雖周死之八駿。不足當其美。豈燕臺之千金。
所能充其賞。高視往古。獨步當時。市不得鬻。人不得私。豈必
遇伯樂。頌侯斯。而後知其駿。稱其奇耶。既脫閭閻。登天園。出
逢時。育得所。蒙雨露之沾濡。依天日之嫗煦。亦何幸乎生之
不凡。而出遭

聖主。聖主奇之以示衆庶。衆庶遑遑。爭先快覩。莫不曰吁。昔
虜義得負。曷之駿。而書契造。軒轅乘服。皂之駒。而百度舉。乘
黃出而舜德光。飛菟至而禹績叙。則此龍駒之出也。又豈不
足況我

皇明之休譽哉。請竭愚誠。薄致慶語。

皇上曰。嘒。使五穀熟。而百姓寧。夷狄服。而禮義興。是乃有國
之上瑞。又奚必祥此一物之靈。於是。有拜手稽首而歌之曰。
元氣混兮。育龍駒。質不群兮。志夙殊。跨驤裹兮。凌駒駘。倏幽
冀兮。忽荆吳。誰所致兮。

皇德敷繼而有賡于其列者曰龍駒至四海肅百穀稔百姓足龍駒至九夷服皇圖鞏皇風穆龍駒至萬物育天之貺國之福歌竟而祥飈四至瑞雲燭天百工相與鼓舞于庭陛之下同聲以祝聖壽於萬年。

香雪軒賦并序朱弘祖字彥昌撫城人部稅大使

余嘗假中郎蔡氏之館為句讀之師其齋屋之前種紅杏一株婆娑可愛遂取蘇子爭挽長條落香雪之句扁而為香雪軒於是名筆大書之以為額良工畫之以為圖余奚得而無一言乃為之賦曰

若有城之南隅通八達之亨衢有中郎之第宅屹厦屋之渠渠渠彼偏側而不足此寬綽而有餘經元宋之沿革今僅有而絕無若乃構西偏之塾滋孫子以詩書華其欄檻敬其庭除花竹雜錯誠可與娛摘孔壇之枝葉續桃李之根株借恩光之雨露奪化工之機樞名曰寄迹實為幼軀開花結實色艷味殊若夫日麗紅芳冶容靚粧絕勝裴相碎錦名坊嬌曆歛其微濁紅綃映其肉體雖維揚后土之瓊英燕山寶氏之丹桂又烏得而可比及夫雨肥紅綻珠聯翠綰恍若董奉神仙之館香沁點絳之唇酸薦瓠犀之齒雖張公大谷之梨房陵朱仲之李又安得而可擬既而我玩其花異散天葩微醺宿酒臉襯其霞或挽其絛絛雪飄蕭花飛六出見睨不消或咀其實必懷其核中有仁可以種德然而涼陰霏庭明月入戶方踏影而褰裳飄颻於風露嗟夫草木無情而凋零顧我不知年之已暮尚紙田而筆耕每尋章而摘句蓋知命而

樂天則行箴聽其所遇。寓香雪之書軒。人或言其要譽得不
為之解潮。乃接筆而成賦。辭曰。

抑軒中之人兮。和樂且耽。盡東南之美兮。同氣味之孔甘。有
賓客兮。盍簪有風月兮。劇談黃髮短兮。病骨老兮。當之。
望羨人兮。不見。遲海鶴兮。泥械其始來兮。非貪其終去兮。何
慚報先生兮。歸也。杏花春雨兮。江南。

雪舟賦為聶同聲作

朱弘祖

余嘗寓仙人之館。聿一歲之云暮。時木落而江空。將束書而
歸去。正索然無歡。適有清逸生。軒車而過我。曰。昔先人有釣
游之處。面烟水之溪。背花竹之塢。有小舟可以泳游。有草堂
可以延佇。想梅花正開。先生豈肯偕一遊乎。余聞之躍然。而
起。遂與即日。早龍。解僕以履。不終日。造乎其間。

曰。山水因人之重而得名。人亦因山水之勝而得譽。今子不
効輞川之奢。惟樂孤山之趣。所謂清逸之軒。信乎而得其所
也。翌日。延入乎畫舫之中。有旨酒嘉肴之厨。有茶竈筆床之
具。泛白鷗之波。過鴛鴦之渚。轉蒨荔之洲。入梅花之浦。而休
焉。惟見一枝三花五葉。備之然。橫出竹林之坡。斜照清淺之
泚。有若清逸之士。出乎流俗。拔乎其萃者矣。於是掀短篷。開
樽俎。箕踞忘形。迭為賓主。而詩興之來。不可得而禦也。乃接
以寤寥之短章。報我以春容之長句。非但弄月而嘲風。多是
傷今而弔古。酒既酣。執盃而為之歌曰。
大江浩兮。東馳城郭。是兮民非。思古人兮。不見。我將老兮。
安歸。主人亟飲而和之。曰。彼烏兔兮。西馳。何古是而。今非。拾
芳洲之瑤草。悵王孫兮。不歸。歌數闋。不覺江天之莫矣。俄而

雪霰零風怒吼。波濤乍驚。沙石亂走。蛟室撒琅之珠。鴻門碎
珊之斗。但覺蓬窓飄搖。身世縹緲。恍然乘仙人之槎。泛銀
河千仞之表也。既而主人陶之。垂頭而睡。余志疲假衣而
寐。彼昏不知。夜將半矣。柰酒渴之不禁。起彷徨而無計。是以
三嗅寒花之香。連咀冰梢之水。如宴瑤池。啖天厨之鳳髓。已而
東方明。雪稍止。余於是捨剡溪之舟。躡東郭之履。浩然長嘯
而東歸。餘不知其所已。

騶虞賦并序金問字公素始蘇人禮部侍郎

臣聞天地感而萬物化生。聖人感人心而天下和平。大哉
聖人與天地同其德也。漢劉向言和氣致祥。是豈無所自而
然哉。洪惟
太祖高皇帝。至仁大德。膺

天明命。啓萬世太平之基。

皇上聖文神武。祠登大寶。禮樂政教。率循舊章。天下之民。
生樂熙熙。之皞之。由是和平之應。至信之感。而騶虞出焉。永
樂二年秋。既見於河南。今十一年夏。復見於山東。自三代以
來。經傳所紀。若召南。美文王仁恩及物。樂記歌武王不忘武
備而已。皆未能真有其物。重見疊出。若今之盛者也。夫嘉祉
之集。和平之所致。天下之和平。而所感同於天地。則吾
聖皇之德大矣哉。臣問職居侍從。欣逢盛事。謹拜手稽首而
獻賦曰。

於皇

太祖治高唐虞。

聖皇續承累洽重熙。恩澤之施。溥天覆而地載。德化所至。極

魚躍以爲飛。海晏河清。文恬武怡。東萬方之玉帛。會九譯之
侏儻。由是陰陽調。寒暑時。太和沕穆。生祥薦奇。厥祥維何。匪
兇匪猛。豈于今之見罕。誠亘古之聞稀。觀其於粲玄英。貞純
素質。隆跽拔耳。脩尾博臆。外馴閑而可玩。內沉雄而莫測。山
虞山衡。孰云博識。非披圖而按記。寧辨其爲神物耶。原其未
遇。游揚自如。風嘯而高林。迴薄雲縵。而群獰景隨。截薛龍。獲
曉下昆侖。之麓。滄淪滂漫。暮窺溟渤之涯。驅馳莫効於王良。
羨擾詎掩於劉累。恒若神之呵護。豈彼罟之能施。及其著迹
東陲。發駁赤縣。登華軒以攸伏。隨封章而進獻。弗懈弗驚。神
舒體宴。羊姿睟。王華滋。儀形偉。金精炫。翕鼻息之輕颺。閃目
光之雙電。仁存義發。貞含德見。舉生物之不食。信生芻之不
踐。旌旆後先。雲霞來約。百靈還其擁衛。萬方同其舞林。若乃

之書。述日。釐之。鼎燹。和鸞。應節。會巡守之昌辰。鼓腹謳歌。
膏太平之盛世。異類而出。不獲而至。然後知爲天地之珍獸。而
國家之上瑞也。矧歲浹乎一甲。致嘉徵之再斯。感氣化之貞。
秀寔鍾於河岳。非侂異之比。貢不由於島夷。降之自天。况矣
其時。同負圖之龍馬。並呈洛之神龜。繼祥麟之在郊。協鳴鳳
之出岐。于以示妙化於不言。于以昭至治於無爲。衍
皇圖之廣大。與天地以同期。

瑞應景星賦 孫原貞 德興人 兵部尚書

聖皇臨御。統一華夷。繼體

三聖。亨端拱無爲。賢能任使。文恬武熙。聲教漸被。俗易
風移。禮本陰而樂本陽。極制作之合宜。功必賞而過必罰。

文獻類選卷六
二四十九
方謹法令之無私禮

郊社與禘嘗兮感

神聖之恪思崇天下之榮養兮隆至孝於

母儀以至仁恩溥兮八表海內安兮均慶至

上天兮感格自下民兮視聽人心悅兮氣和天道順兮瑞應

乃宣德癸丑仲秋之夕天宇廓清園體一碧爰有雲氣間以

青赤中合三星狀如半月懸象天門揚輝

帝闕映五星而絢綵助兩曜而增光繞黃道於西北拱紫微

於中央軒轅時出於攝提堯舜時出於翼房曠屢代而莫覩

臻斯世而為祥調元氣於北辰開壽域於南極應前星而介

福耀文昌而出色以啓文明之運以昌有道之國靈臺占瑞

上達宸聰群臣稱賀

聖德謙冲綸音渙發勅戒臣工知致祥之不易思體天之性

難同一心而欽若如上帝之鑒觀毋自矜而漸忽圖長治而

久安况付畀之甚重荷保佑之兼至惟克盡於人事庶可答

於天意顧上下之同德永有光於靈瑞於具群臣舞抃而載

歌曰洋洋兮

聖謨夙夜欽承兮補報是曷天人一理兮相感孚光昭道德

兮與三五同符仰

聖明於九重兮效三祝而高呼一祝壽兮並歲二祝富有

兮四海無際三祝

聖子神孫兮傳

皇祚於萬世

瑞應龍馬賦

孫正小貞

欽惟

聖明尊臨萬國體天道立人極四時和群生殖感至和之上
瑞應

至聖之大德是以乾陽運化房星降精孕重西土發兆嘉徵

風起雲合電飛震驚雲瑞斯啓神駒攸生此神駒挺雄姿

之超越疑皓彩之輝煌耳如筒而捲雪鬣此絲而飛霜頂

隆而鬚秀肉尾垂而異常毛鬣生而有倫鱗次列而成章

川嶽之靈氣開宇宙之禎祥若乃朝刷瓊其暮浴瑤池濯

玉體矯龍儀騰身雲路驤首天墀光依

王輅影動龍旂耀瑞日而玉立迴祥飈而香隨曾一見於古

昔欣再覩於今茲豈直超冀群之良道宛種之奇也哉彼飛

黃茲白駒駘騏驥八俊九逸才美各異一日千里之力可至

固駿骨之難得逸氣之莫比孰若龍馬之乘時應我

聖皇之在位本之孝誠達之仁義聲四海之隆平開一統之

盛治繼

三聖而有光垂萬葉而無替若此之靈合景星慶雲於一機

同麒麟鳳凰於一致真有以符滎河之昔而協羲皇之瑞也

廷臣歡忭而稱賀

玉音言布而謙冲不以瑞至而自滿所冀民安而歲豐于以見

宸衷愛民之至圖治之隆體

祖宗而同德與天地而同功所以召靈物之畢至延壽福之

無窮顧小臣之愚陋幸曠世之遭逢遙瞻

天而載拜謹獻頌於九重頌曰

聖德巍巍至治熙熙致祥為宜神駒其龍動合雲從靈慶所

鍾厥靈昭昭其來遙獻于

天朝維色之純所性之馴應德之仁維德所孚允協瑞岳太平之符貞符自天

聖壽萬年

皇祚綿綿

著草臺賦

孫原貞

曩余幼以讀易兮知求卦之機顯象數以示人兮實神物之所為得生數於圓亨兮得成數於厚土諒生成之不已兮托靈根於何所上青雲之遠覽兮獨慨想夫三古感天地之交泰兮依日月之清光挾風雷以順動兮通山澤以徜徉按圖畫以冥搜兮期有契於圓方探理數於河洛兮索韋編於懷幽思於姜里兮想姬旦於夢寐歲幾周而兩得兮

未遂余初志過太昊之墟而暫憩兮遇上蔡翁而問之曰著草之有臺兮從太古其在茲高兩仞而突兀兮方半畝而坦夷並卦臺以列峙兮原易通於皇羲匪幽贊於神明兮同賴蕭其誰知惟根莖之發育兮隨氣運之盛衰適遭世之和平兮觀靈苗之茂植滿叢科於百莖兮長脩莖於十尺誠曠世之嘉應兮表

皇道之有得或異形之末見兮類物象之希奇有似龍頭之天矯兮間以鳳尾之參差覆之以五色之雲兮守之以千歲之龜折枯莖於素秋兮韜積歲於靜室爰有事而告之兮宜齋戒而精一數五十以為用兮自圖書而衍出虛一以象太極兮分二以象兩儀掛一以象三才兮揲四以象四時因餘數以象閏兮復於扐而歸奇始四營而成一變兮妙不測於

兩手。至三變而成爻。見陽奇而陰耦。因老變而少不變。爻故用六而用九。十八變而成卦。爻備六爻之始終。明得失於將來。爻使人知趨吉而避凶。無所求而不得。爻隨所感而皆通。所以盡方知之用。爻莫大乎圓神之功。反若目築於韜。積爻泯象變於無迹。譬言係辭之未作。爻理已具於六畫。若卦爻之未畫。爻道已函於太極。子盍歸而求諸內。爻吾將默處乎寒。闔迺愧余之拙。學爻昧所聞而太息。匪啓蒙之直指。爻徒膠。轉於胸臆。况參天地而為人。爻三才兩而成章。立天地之道。爻曰陰陽之與柔剛。立人道曰仁義。爻擴性善於心。藏積善餘慶。爻不善於殃。信著莢之從善。爻余惟佩仁服義。以求至夫無極之鄉。

文翰類選大成卷第七樂章類目錄

漢

古辭一首

高祖唐夫人一首

武帝一首

晉

傅休奕三首

宋

顏延年二首
謝希逸三首

齊梁

謝超宗一首

江文通二首

沈休文九首

庾子山二首

唐

褚希明九首

魏玄成一首

元次山十首

皮龍象九首

賀季長七首

源乾曜一首

姚元之一首

蔡季子一首

沈雲卿 一首 盧懷慎 一首 姜皎 一首 崔日用 一首

蘇廷碩 一首 李尚真 一首 姜晞 一首 裴璠 一首

郭子儀 一首 劉士安 一首 鄭文明 一首 段墨卿 一首

徐彥伯 一首 丘悅 一首 張齊賢 一首 薛嗣通 一首

徐元回 一首 胡雄 一首 員半千 一首 祝文思 一首

無名氏 一首 盧子襲 一首 劉冕 一首 韓休 一首

王峻 一首 崔玄同 一首 賈曾 一首 何鸞 一首

蔣挺 一首 源光裕 一首

宋

王介甫 二首 朱仲晦 二首

元

樂章 四十五首 揭希章 一首

補遺

宋

寶望之 四首

文翰類選大成卷之七目錄

文翰類選大成卷第七

左長史上海李伯璵編輯
伴 讀慈谿馮厚校正

樂章類

漢

郊祀靈芝歌

古辭

因靈寢兮產靈芝。象三德兮瑞應圖。延壽命兮光此都。配上
帝兮象太微。參日月兮揚光輝。

安世房中歌 高祖唐山夫人

大孝備矣。休德昭清。高張四懸。樂充宮庭。芬樹羽林。雲影杳
冥。金支秀華。庶旄翠旌。七始華始。肅唱和聲。神來宴娛。庶幾
是聽。粥之音送。細齊人情。忽乘青玄。熙事備成。清恩眴之。經

緯冥之。王侯秉德。其鄰翼之。顯明昭式。清明昭矣。皇帝孝德。竟全大功。撫安四極。海內有茲。紛亂東北。詔撫成師。武臣承德。行樂交逆。簫勺群慝。肅為濟哉。蓋定燕國。大海蕩之。水所歸。高賢愉之。民所懷。大山崔。百卉殖。民何貴之。有德大莫大。成教德。長莫長。被無極。雷震之。電耀之。明德鄉。治本約。加被寵。咸相保。德施大。世曼壽。嗚呼孝哉。案撫戎國。蠻夷竭歡。象來致福。兼臨是愛。終無兵革。嘉薦芳矣。告靈饗矣。告靈既饗。德音孔感。惟德之感。建侯之常。永保天休。令問不忘。皇之鴻明。蕩侯休德。嘉承天和。伊樂厥福。在樂不荒。惟民之則。浚則師德。下民咸殖。今問在舊。孔容翼之。孔容之常。承帝之明。下民之樂。子孫保光。承容之常。承帝之明。下民安樂。受福無疆。

天馬 武帝 諸微廟 世宗

太一况。天馬下。雲沾赤汗。沫流赭。志儻精權奇。籟浮雲。騰上馳。體容與。逝萬里。今安匹。龍為友。天馬來。從西極。涉流沙。九夷服。天馬來。出泉水。虎脊兩化。若鬼。天馬來。歷無草。徑千里。循東道。天馬來。執徐時。將搖舉。誰與期。天馬來。開遠門。竦予身。逝昆侖。天馬來。龍之媒。游閭闔。觀玉臺。

晉

郊祀歌三首

夕牲歌

傳休奕

天命有晉。穆穆明明。我其夙夜。祇事上靈。常于時假。迄用其成。於薦玄牲。進夕其牲。崇德作樂。神祇是聽。

迎送神歌

宣文蒸哉。日靖四方。永言保之。夙夜匪康。光天之命。上帝是

皇嘉樂殷慶。靈祚景祥。神祇隆假。享福無疆。

饗神歌

天祚有晉。其命惟新。受終于魏。奄有兆民。燕及皇天。懷柔百神。不顯遺烈。之德之純。享其玄牲。式用肇禋。神祇來格。福祿是臻。

宋

天地郊二首

顏延年

夕牲歌

黃威寶命。嚴恭帝祖。表海炳岱。系唐胄楚。靈鑒濟文。民屬奉武。奄受敷錫。宅中拓宇。亘地稱白。罄天作主。月竈來賓。日際奉土。開元正首。禮交樂舉。六典聯事。九官列序。有牲在滌。有絜在俎。以薦工衷。以答神祐。

迎送神歌

維聖饗帝。維孝養親。皇乎備矣。有事上春。禮行宗祀。敬達郊禋。金枝中樹。廣樂四陳。陟配在京。降德在民。奔精照夜。高燎揚晨。陰明浮爍。沈滌深淪。告成大報。受釐元神。月御按節。星驅扶輪。遙興遠駕。曜曜振振。

明堂三首

謝希逸

迎神歌

地紐謐乾。樞回華蓋。動紫微開。旌蔽日車。若雲緼擘。帝京輝天色。聖祖降五靈。集構瑤祀。聳珠樓。檐舞綴陽。鍾石融駐。飛景鬱行。風樹森盛。湖群司度。皇德遠大。孝昌貫九幽。洞三光。神之安。解玉鑿。景福至。萬寓。

登歌

雍臺辨朔。澤宮練服。潔火夕照。明水朝陳。六瑚
實室。八羽華庭。照事先聖。懷濡上靈。肆夏戒敬。升歌發德。亦
萬國。

送神歌

緼禮容。餘樂度。靈方留。景欲暮。開九重。肅五
泣。雲既動。河既梁。萬里照。四空香。神之車。歸注
殿。虛睿化。疑孝風。熾顧靈心。結皇恩。

齊

南郊五首

謝超宗

靈運之子
官至太傅

肅感樂

黃承寶命。嚴恭帝緒。奄受敷錫。并中拓宇。巨壘
小楸。皇靈天作。

主。月域來賓。日際奉土。開元首正。禮郊樂舉。六典聯事。九官
列序。

引牲樂

皇乎敬矣。恭事上靈。昭教國祀。肅肅明明。有牲在滌。有絜在
俎。以薦王衷。以荅神祐。陟配在京。降德在民。奔精望夜。高燎
佇晨。

嘉薦樂

我恭我享。惟孟之春。以孝以敬。立我烝民。青壇奄霽。翠幕端
凝。嘉俎重薦。蕙藉再升。設業設虞。展容玉庭。肇禋配祀。克對
上靈。

永至樂

紫壇均玉。靈翠懜佇神。率天奉執。罄地來賓。神貺並介。泯祗合

社恭昭鑒享。肅光孝祀。威蕩四靈。洞曜三光。皇德全被。大禮流昌。

休成樂

昭事上祀。饗薦具陳。回鑿轉翠。拂景翔宸。綴縣敷錫。鍾石昭駟。羽炫深畧。燄備暄行。風肆序輟。度肅禮停。文四金。儀衛六馭。齊輪。

北郊五首

昭夏樂

詔禮崇營。敬享玄時。靈正丹惟。月肅紫墀。展薦登華。風縣凝鏘。神惟戾止。鬱葆遙莊。昭望歲芬。環游辰太。穆哉尚禮。橫光秉藹。

登歌

佇靈敬享。裡肅肅升文。縣動聲耳儀。薦繫牲芬。陰祇以貺。昭祀式慶。九服熙度。六農祥正。

地德凱容歌

繕方丘。端國陰。掩珪畧。仰靈心。詔源委。遍丘林。禮獻物。樂薦音。

昭德凱容樂

慶圖濬邈。蘊祥祕瑤。倪天炳月。嬪光紫霄。邦化靈懋。闡則風調。儷德方儀。徽載以昭。

隸幽樂

后皇嘉慶。定祇玄時。承帝休圖。祇敷靈祉。篚冪周序。軒朱凝會。牲幣芬壇。精明佇蓋。調川瑞昌。警岳祥泰。

明堂二首

肅咸樂

肅承孝典。恭事嚴聖。決天奉賚。聲壤齊慶。司儀具序。羽容夙
章。芬枝揚烈。黼構周張。助寶奠軒。酌珎充庭。瓊縣凝會。瑄朱
竚聲。先期選禮。肅若有承。祇對靈祉。皇慶昭膺。

引牲樂

惟誠絜饗。惟孝尊靈。敬芳黍稷。敬滌犧牲。騂繭在養。載汎載
豐。以承宗祀。以肅皇衷。蕭芳四舉。華火周傳。神鑒孔昭。嘉足
參牲

藉田二首

江文通

迎送神升歌

羽銜從動。金駕時遊。教騰義鏡。樂綴前脩。率先丹雘。躬遵綠
疇。靈之聖之。歲殷澤柔。

饗神歌

瓊宇既飾。繡簋以陳。方燮嘉種。永毓宵民。

梁

南郊登歌二首

沈休文

名約吳興人。建昌侯謚曰隱。

噉既明禮。告成惟聖。祖主上靈。爵已獻罍。又及盈息。羽籥展歌。
聲優如在。結皇情。

禮容盛。尊俎列。玄酒陳。陶匏設。獻清白。致虔絜。王既升。樂已
闋。降蒼昊。垂芳烈。

北郊登歌二首

方壇既埽。地祇已出。盛典弗僣。群望咸秩。乃升乃獻。敬成禮
卒。靈成無兆。神饗載謐。允矣嘉祚。其升如日。
至哉坤元。實惟厚載。躬茲奠饗。誠文顯晦。或升或降。搖珠動

佩德表成物。慶流皇代純。嘏不僖言。祺福是賚。

明堂登歌五首

歌青帝

帝居在震。龍德司春。開元布澤。舍和尚仁。群居既散。歲云陽止。飭農分地。民粒惟始。雕梁繡拱。丹楹玉墀。靈威以降。百福來綏。

歌赤帝

炎光在離。火為威德。執禮昭訓。持衡受則。靡草既凋。溫風以至。嘉薦惟旅。時羞孔備。齊緹在堂。笙鏞在下。匪惟正百無終始。

歌黃帝

時彼中壇。含靈化。迴環氣象。紛無。獨偏在。四序將收。音宮數五。飯稷駉駉。宅屏居中。旁臨外宇。升為帝尊。降為神主。

歌白帝

神在秋方。帝居西皓。允茲金德。裁成萬寶。鴻來雀化。參見火邪。幕無玄鳥。菊有黃花。載列笙磬。式陳彝俎。靈罔常懷。惟德是與。

歌黑帝

德盛乎水。玄冥紀節。陰降陽騰。氣凝象閉。司智蒞坎。駕鐵衣玄。邠寒拆地。晷度迴天。悠悠四海。駿奔奉職。祚我無疆。永隆民極。

周祀方澤二首

昭夏

庚子山

報功陰澤。展禮玄郊。平琮鎮瑞。方鼎升庖。調歌絲竹。縮酒江
茅。聲舒鍾鼓。器質陶匏。列耀秀華。凝芳都荔。川澤茂祉。丘陵
容衛。雲飾山罍。蘭浮汎齊。日至之禮。歆茲大祭。

皇夏

司筵撤席。掌禮移次。迴顧封壇。恭臨坎位。塵玉埋俎。藏芬斂
氣。是日就幽。成此地意。

唐

祈穀三首

褚希明

亮。良之父。弘文館十八學士中人。

肅和

履艮斯繩。居中體正。龍運垂祉。昭符啓聖。式事嚴禋。率懷嘉
慶。惟帝永錫。時皇休命。

雍和

殷薦乘春。太壇臨曙。八簋盈和。六瑚登御。嘉稷匪歆。德馨斯
飫。祝嘏無易。靈心有豫。

舒和

玉帛犧牲。申嘉享。金絲戚羽。盛音容。庶俾億齡。禋景福。長欣
萬宇洽時邕。

明堂三首

肅和

象天御宇。乘時布政。嚴配申虔。宗禋展敬。樽豐盈。列樹羽交
映。玉幣通誠。祚隆皇聖。

雍和

八牖晨披。五精朝奠。霧凝璇籥。風清金縣。神滌備全。明粢豐
衍。載結彝俎。陳誠以薦。

舒和

御展合宮承寶曆。席圖重館奉明靈。偃武修文九圍泰。沉烽靜柝八荒寧。

雲祀三首

肅和

朱鳥開辰蒼龍啓暎。大帝昭饗群生展敬。禮備懷柔功宣舞詠。旬液應序年祥協慶。

雍和

紂筵分彩。璠圖吐絢。鳳管晨凝。雲歌曉轉。肅事蘭羞。虔申桂奠。百穀斯登。萬箱攸薦。

舒和

鳳曲登歌調令序。龍雲集舞泛祥風。綵祿雲迴昭睿德。朱干電發表神功。

祀五方上帝于五郊二十首

魏玄成名微諫議大夫封鄭公益文貞

黃帝宮音

黃中正位。含章居貞。既長六律。兼和五聲。畢陳萬舞。乃薦斯牲。神其下降。永祚休平。

肅和

眇眇方輿。蒼蒼圓蓋。至哉樞紐。宅中圖大。氣調四序。風和萬籟。藉禱我明德。時雍道泰。

雍和

金懸夕肆。玉俎朝陳。饗薦黃道。芬流紫辰。廼誠廼敬。載享載禋。崇薦斯在。惟皇是賓。

舒和

御徵乘宮出郊甸。安歌率舞遞將迎。自有雲雨符帝賞。猶持雷鼓答天成。

青帝角音

鶴雲旦起烏星昏。集律候新風。陽開初蟄。至德可饗。行潦斯挹。錫以無疆。蒸人乃粒。

肅和

玄鳥司春。蒼龍登歲。節物變柳。光風轉蕙。瑶席降神。朱絃饗帝。誠備祝嘏。禮殫珪幣。

雍和

大樂稀音。至誠簡禮。文物棣棣。聲明濟濟。六变有成。三登無體。迺春豐絜。恩覃愷悌。

舒和

笙歌箏舞。屬年韶路。鳥鼓見鍾。展時豫調。露初迎綺。春節承雲。遽踐蒼霄。馭

赤帝徵音

青陽告謝。朱明戒序。感長是祈。敬陳椒醕。博碩斯薦。笙鏞備舉。庶盡肅恭。非馨稷黍。

肅和

離位克明。火中宵見。峯雲暮起。景風晨扇。木槿初榮。含桃可薦。芬馥百品。鏗鏘三变。

雍和

昭昭丹陸。齋齋炎方。禮陳牲幣。樂備篎簧。瓊羞溢俎。玉醑浮觴。恭惟正直。歆此馨香。

舒和

千里温風飄絳羽。十枝炎景騰朱干。陳觴薦俎歌三獻。拊石
投金會七盤。

白帝商音

白藏應節。天高氣清。歲功既阜。庶類收成。萬方靜謐。九土和
平。馨香是薦。受祚聰明。

肅和

金行在節。素靈居正。氣肅霜嚴。林凋草勁。豺祭隼擊。潦收川
鏡。九穀已登。萬箱流詠。

雍和

律應西成。氣躔南呂。珪幣咸列。笙竽備舉。苾苾蘭羞。芬芬桂
醑。式資宴貺。用調霜序。

舒和

璿儀氣爽。鷲緹籥玉。呂灰飛含。素商鳴鞞。奏管芳羞。薦合日無
安歌葆眊揚。

黑帝羽音

嚴冬季月。星迴風厲。享祀報功。方祚來歲。

肅和

律回玉琯。星周金度。次極陽烏。紀窮陰兔。火林霰雪。陽泉凝
沍。八蜡已登。三農息務。

雍和

陽月斯絕。應鍾在候。載絜牲牲。爰登俎豆。既高既遠。無聲無
臭。靜言格思。惟神保佑。

舒和

執籥持羽。初終曲。朱干玉鉞。始分行。七德九功。咸已暢。明靈

降福具穰穰。

補樂歌十篇

元次山

名結容管
經四署使

網罟伏羲氏之樂歌也。其義蓋稱伏羲能易人取禽獸之勞。吾人苦兮水深。網罟設兮水不深。吾人苦兮山幽。網罟設兮山不幽。

豐年神農之樂歌也。其義蓋稱神農教人種植之功。

猗太帝兮其智如神。分草實兮濟我生人。猗太帝兮其功如天。均四時兮成我豐年。

雲門軒轅氏之樂歌也。其義蓋言雲之出。潤益萬物。如帝之德無所不施。

玄雲溟兮垂雨濛。類我聖澤兮。漚濡不窮。玄雲溟兮。含映逾光。邈我聖德兮。麻被無方。

九淵少昊氏之樂歌也。其義蓋稱少昊之德淵然深遠。聖德至深兮。蘊蘊如淵。生類娒娒兮。孰知其然。

五莖顓頊氏之樂歌也。其義蓋稱顓頊得五德之根莖。植植萬物兮。脩脩根莖。五德涵柔兮。泯泯而生。其生如何兮。袖袖天下。皆自我君兮。化成。

六英高辛氏之樂歌也。其義蓋稱帝嚳能總六合之英華。我有金石兮。擊拊崇崇。與汝歌舞兮。上帝之風。由六合兮。英華泯泯。我有絲竹兮。韻和泠泠。與汝歌舞兮。上帝之聲。由六合兮。根柢羸羸。

咸池陶唐氏之樂歌也。其義蓋稱堯德至大無不備全。元化油油兮。孰知其然。至德汨汨兮。順之以先。元化泥兮。孰知其然。至道泱泱兮。由之以全。

大韶有虞氏之樂歌也。其義蓋稱舜能紹先聖之德。森森群象兮。日見生成。欲聞朕初兮。玄封冥冥。洋洋至化兮。日見深柔。欲聞涵濩兮。大淵油油。

大禹有夏氏之樂歌也。其義蓋稱禹治水。其功能大中國。茫茫下土兮。乃生九州。山有長岑兮。川有深流。茫茫下土兮。乃均四方。國有民人兮。野有封疆。茫茫下土兮。乃歌萬年。上有茂功兮。下戴人天。

大濩有殷氏之樂歌也。其義蓋稱湯救天下。濩然得所。萬姓苦兮。怨且哭。不有聖人兮。誰濩育。聖人生兮。天下和。萬姓熙兮。舞且歌。

補九夏歌九首

火襲美

三夏之歌者。土出入之所奏也。

燿燿皎日。欸麗乎天。厥明御舒。如王出焉。燿燿皎日。欸入於地。厥物厥貞。如玉入焉。出有龍旂。入有珩珮。勿驅勿馳。惟慎惟戒。出有嘉謀。入有內則。繫彼臣庶。欽王之式。

肆夏之歌者。尸出入之所奏也。惜惜清朝。儀儀衮服。我尸出矣。迎神之穀。杳杳陰竹。坎坎路鼓。我尸入矣。得神之祐。

昭夏之歌者。牲出入之所奏也。

有鬱其壘。有儼其彝。九變未作。全乘來之。既醑既酢。爰棟爰舞。象物既降。全乘之去。

納夏之歌者。四方賓受來之所奏也。

麟之儀儀。不繫不維。樂德而至。如賓之嬉。鳳之愉愉。不舞不效。樂德而至。如賓之娛。自篴及管。我有牢醕。自篴及篳。我有

貨幣我牢不愆。我貨不匱。碩碩其才。有樂而止。
章夏之歌者。臣有功之所奏也。

王有虎臣。勿之鈇鉞。征彼不悛。一撲而滅。王有虎臣。錫之圭
瓚。征彼不辜。一烘而泮。王有掌封。追爾疆理。王有掌客。饋爾
饗餼。何以樂之。金石九奏。何以賜之。龍旂九旒。

齊夏之歌者。夫人祭之所奏也。

靈々衡筭。輩輩禴翟。自內而祭。為君之則。

族夏之歌者。族人酌之所奏也。

洪源誰孕。疏為江河。大塊孰誕。播為山阿。厥流浩漾。厥勢嵯
峨。今君之酌。慰我買多。

穢夏之歌者。賓出之所奏也。

禮酒既酌。嘉賓既厚。饋為之奏。禮酒既竭。嘉賓既悅。饋為之

節。禮酒既酌。嘉賓既厚。饋為之奏。禮酒既竭。嘉賓既悅。饋為之

駑夏之歌者。公出入之所奏也。

相相其珪。衮衮其衣。出作二伯。天子是毗。相相其珪。衮衮其
服。入作三孤。國人是福。

玄宗禪社首山祭地祇七首。賀季長

名知章。禮部侍郎。兼集賢學士。

順和

至哉含柔德。萬物資以生。常順稱厚載。流謙通變盈。聖心事
能察。增廣陳厥誠。黃祇優如在。泰折俟咸亨。

太和

肅我成命。於昭黃祇。裘冕而祀。陟降在斯。五音克備。八變幸
施。緝熙肆靖。厥心匪離。

肅和

黃祇是祇我其夙夜寅畏誠懇匪違寧舍禮以琮玉薦厥芳
藉念茲降康胡寧克假

雍和

夙夜宥密不敢寧宴五齊既陳八音在縣樂盛以絜房俎斯
薦惟德惟馨尚茲克徧

壽和

惟以明發有懷載殷樂盈而反禮順其裡立清以獻焉欲是
親於復不已哀對斯臻

福和

穆穆天子告成岱宗大裘如帶執珽有顯樂以平志禮以和
容上帝臨我云胡肅然

太和

昭昭有唐天俾萬國列祖應命四宗則申錫無疆宗我同
德曾孫繼緒享神配極

禪社首祭地祇一首

源乾曜

開元相安陽郡公

靈具醉

靈具醉杳熙熙靈將往職惇惇顧明德吐正辭爛遺光流禎
祺

享龍池第一章

姚元之

名崇拜相封梁國公謚文獻

恭聞帝里生靈沼應報明君鼎業新既協翠白水光寶命還符
白水出真人當時舜海潛龍躍此日堯河帶甲巡獨有前池
一小鴈叨承舊惠入天津

第二章

蔡孚

帝宅王家大道邊神馬龍龜涌聖泉昔日昔時何經此地看來

看去漸成川。歌臺舞榭宜正月。柳岸梅洲勝往年。莫言波上春雲少。祇為從龍直上天。

第三章

沈雲卿

名佳期內黃人備文館學士

龍池躍龍龍已飛。龍德光天天不違。池開天潢分黃道。龍向天門入紫微。那第樓臺多氣色。君王鳧鴈有心輝。為報寰中百川水。來朝上第莫東歸。

第四章

盧懷慎

開元相

代邸東南龍躍泉。清漪碧浪遠浮天。樓臺影匝波中出。日月光凝鏡裏懸。鴈沼回流成舜海。龜書薦祉應堯年。大川既濟斬為楫。報德空思奉細涓。

第五章

姜皎

龍池初出此龍山。常經此地謁龍顏。日日芙蓉谷生夏。水年。揚柳變春灣。堯壇寶匣餘煙霧。舜海漁舟尚往還。願以飄飄五雲影。從來從去九天間。

第六章

崔日用

龍興白水漢興符。聖主時乘運斗樞。岸上丰茸玉花樹。波中的樂千金珠。梁環昔聞迎夏啓。發匣先來瑞有虞。風色雲光隨隱見。赤雲神化象江湖。

第七章

蘇廷碩

西京鳳邸躍龍泉。佳氣休光鎮在天。軒后霧圖今已得。秦王水劍昔常傳。恩魚不似昆明釣。瑞鶴長如太液仙。願侍巡遊同舊日。更聞簫鼓濟樓船。

第八章

李尚真

名又監察御史薦為紫微侍郎

星分邑里四人居。水洊源流萬頃餘。魏國君王稱象處。晉家

潘郎化龍初青蒲似聘遊梁馬綠藻疑游宴鎬魚甘有神靈
滋液地年年雲物史官書

第九章

姜晞

靈沼紫迴邸第前浴日涵春寫曙天始見龍臺身鳳顯應如
霄漢起神泉石匱渚傍濛啓聖桃李初生更有仙欲化帝圖
從此受正同河變一千年

第十章 裴璿吏部侍郎

乾坤啓聖吐龍泉水年年勝一年始看魚躍方成海即睹
龍飛利在天洲渚遙將銀漢接樓臺直與紫微連休氣榮光常
不散懸知此地是神仙

玄宗室真獻用廣運之舞 郭子儀中書令封汾陽郡王謚忠武
於赫皇祖昭明有融惟文之德惟武之功河海靜謐車書混

同虔恭孝饗穆穆玄風

代宗室真獻用保大之舞

於穆文考聖神昭彰蕭勺群慝含光遠方萬物茂遂九夷賓
王情惜雲韶德音不忘

肅宗室真獻用惟新之舞 劉士安名晏同平章事領江淮長平使

漢運惟永神功中興風驅氛祲天覆黎蒸三光再朗庶績其
凝重熙累葉景命是膺

德宗室真獻用文明之舞 鄭文明名細中書舍人拜相

於穆時文受天明命允恭玄默化成理定出震嗣德應乾傳
聖猗歟緝熙千億流慶

憲宗室真獻用象之舞 段墨卿名文昌翰林學士拜相從帥荆南

肅清廟登顯至德澤周八荒兵定四極生物咸遂群盜滅

息明聖繼承子孫千億

儀坤廟迎神用永和

林鍾宮

徐彥伯

蒲州司兵參軍

倚若清廟肅々熒々國薦嚴祀坤興淑靈有几在室有樂在庭臨茲孝享百祿惟寧

皇帝行用太和

黃鍾宮

立悅

孝哉我后冲乎迺聖道映重華德輝文命慕深視篚情殷撫鏡萬國移風兆人承慶

酌獻登歌用肅和

和呂均之大族

張齊賢

標圭既濯鬱鬯既陳畫幕雲舉黃流土醇儀充獻酌禮盛興禮地察惟孝愉焉饗親

迎俎用雍和

林鍾宮

薛嗣通

名穆薛收從子河東人太子少保封魯國公

陽靈配德陰魄昭升亮壇鳳下漢室龍興覩天作對前

凝化行南國道盛西陵述亦崇灌無德而稱我染既潔我醴既澄陰陽靈廟光靈若憑德馨惟饗孝思蒸々

飲福酒用壽和

黃鍾宮

徐元固

名堅聖曆中判官

於穆清廟肅雍嚴祀合福受釐介以繁祉

送文舞出迎武舞入用舒和

胡雄

送文迎武遞參差一始一終光聖儀四海生人歌有慶千齡孝享肅無虧

徹豆用雍和

蕤賓均之夾鍾

員半千

孝享云畢維徹有章雲感玄羽風悽素商瞻望神座祗戀匪遑禮終樂闋肅雍鏘々

送神

林鍾宮

祝文思

名欽明國子祭酒

闕宮實々清廟微々降格無象馨香有依式昭纂慶方融嗣

徽明神是享。神保聿歸。

睿宗太極元年登黃地祇於方丘樂章二十一首

林鐘商

大樂和暢。寂薦明神。一降通感。八變必臻。有求斯應。無德不親。降靈醉止。休徵萬人。

太簇角

盧子龔

名從愿吏部侍郎

坤元載物。陽樂發生。播殖資始。品彙咸亨。別俎棊布。方壇砥平。神歆禋祀。后德惟明。

姑洗徵

劉冕

大君出震。有事郊禋。齋戒既肅。馨香畢陳。樂和禮備。候暖風春。恭惟降福。實賴明神。

南呂羽

韓休

開元中拜相

於穆濬哲。維清緝熙。肅事昭配。永言孝思。滌濯靜嘉。馨香在茲。神之聽之。用受福釐。

皇帝行用太和

黃鐘宮

王峻

於穆聖皇。六葉重光。太原刻頌。后土疏揚。寶鼎呈符。蔽雲孕祥。禮樂備矣。降福穰穰。

登歌奠玉帛用肅和

燧鑿物之

崔玄同

聿修嚴配。展事禋宗。祥符寶鼎。禮備黃琮。祝辭以信。明德惟聰。介茲景福。永無窮。

登俎用雍和

黃鐘均之南呂宮羽

賈會

景雲中知制誥

蠲我漸穢。絜我膏鄉。有豆孔碩。為羞既臧。至誠無味。精意惟芳。神其醉止。欣樂康。

酌獻飲福用壽和

禮物斯具。樂章乃陳。誰其作主。皇考聖真。對越在天。聖明佐
神。宥然汾上。厚澤如春。

送文舞出迎武舞入用舒和 何鸞

樂奏云闕。禮章載虔。禋宗于地。昭嘏于天。惟馨薦矣。既醉歆
焉。神之降福。永、萬年。

武舞用凱安

黃鐘均之蔣挺
林鐘徵

維歲之吉。維辰之良。聖君紱冕。肅事壇場。大禮已備。大樂斯
張。神其醉止。降福無疆。

送神用順和 源光裕

方立既膳。嘉饗載謐。齋敬畢誠。陶匏貴質。秀簫豐薦。芳俎盈
實。永、福流。其昇如日。

宋

明堂樂章二首

王介甫

皇帝還大次憇安之曲

有奕明堂。萬方時會。宗子聖者。作帝之配。樂酌虞典。禮從周
制。釐事既成。於皇來暨。

歌安之曲

穆穆在堂。肅肅在庭。於顯辟公。來相思成。神既歆止。有聞惟
馨。錫我休嘉。燕及群生。

虞帝廟樂章二首

朱仲晦

迎神

皇胡爲兮山之幽。翳長薄兮俯清流。渺冀州兮何有。眷茲土
兮淹留。皇之仁兮如在。子我名兮不窮。以愛沛皇澤兮橫流。
揚威靈兮無外。潔尊兮肥俎。九歌兮招舞。嗟莫報兮皇之祐。

皇欲下兮儼相羊。烈風雷兮暮雨。

送神

虞之陽兮灑之滂。皇降集兮巫屢舞。桂酒湛兮瑤觴。皇之歸兮何許。龍駕兮天門。羽旄兮繽紛。俯故宫兮一慨。越宇宙兮無隣。無隣兮奈何。七政協兮群生嘉。信玄功兮不宰。猶彷彿兮山阿。

元

郊祀樂章

初獻盥洗

黃鐘宮

隆盛之曲

肇禋南郊。百神受職。齋戒惟先。匪馨于稷。迺沃盥。祠壇是陟。上帝監觀。其儀不忒。

正位配位奠玉帛

黃鐘宮

欽成之曲

謂天蓋高。至誠則格。克祀克禋。駿奔百辟。制幣斯陳。藉以蒼璧。神其降康。俾我多益。

司徒捧俎

黃鐘宮

寧成之曲

我牲既潔。我俎斯實。笙鏞克諧。籩豆有飫。神來宴娛。歆茲明德。永錫繁禧。如幾如式。

昊天上帝位酌獻

黃鐘宮

明成之曲

於昭昊天。臨下有赫。陶匏薦誠。馨聞在德。酌言獻之。上靈是格。降福孔皆。時萬時億。

皇地祇位酌獻

大呂宮

至哉坤元。與天同德。函育群生。玄宮莫測。合饗園壇。舊典時式。申錫無疆。聿寧皇國。

文舞退武舞進

黃鐘宮

和成之曲

羽籥既跋載揚玉戚一弛一張匪舒匪棘八音克諧萬舞有奕永觀厥成純嘏是錫

亞終獻 黃鐘宮

和成之曲

有嚴郊禋恭陳幣玉大禋是承載祇載肅上帝居歆馨香既飫惠我無疆介以景福

送神 圓鐘宮

天成之曲

神之來歆如在左右神保聿歸靈存先後恢之上圜無聲無臭日監孔昭思呈多祐

望燎位 黃鐘宮

熙事備成禮文郁々紫煙聿升靈光下燭神人樂康永膺馘穀祚我不平景命有僕

太朝樂章

迎神 九成 黃鐘宮

思成之曲

齊明盛服冀々靈眷禮備多儀樂成九變烝々孝心若聞且見彤纓端臨來寧來燕

初獻盥洗 無射宮

肅寧之曲

酌彼行潦維挹其清潔齊以祀祀事昭明肅々辟公沃盥乃升神之至止歆于克誠

司徒捧俎 無射宮

嘉成之曲

色純體全三犧五牲鑿刀屢奏毛包載羹神具厭食飫聽我馨聲居歆有永胡考之寧

皇帝飲福酒 夾鐘宮

釐成之曲

穆々天子禋祀太宮禮成樂備敬徹誠通神胥樂只錫之醇醲天子萬世福祿無窮

文舞退武舞進

無射宮

肅寧之曲

天生五材孰能去兵。恢張鴻業我祖天聲。干戈屈盤濯之厥靈於赫七德展也大成。

亞獻終獻同

無射宮

肅寧之曲

幽通神明所重精禋。清宮肅肅。百禮具陳。九韶克諧。八佾既旒。靈光昭蒼。天休日申。

徹籩豆

夾鐘宮

豐寧之曲

籩豆芬苾。金石鏘鏗。禮終三獻。樂奏九成。有嚴執事。進徹無聲。神保聿歸。萬福來寧。

送神

黃鐘宮

保成之曲

神主在室。神靈在天。禮成樂闋。神返幽玄。降福冥冥。百順無愆。於皇孝思。于萬斯年。

社稷樂章

降神三成

姑洗徵

鎮寧之曲

平厥水土。百穀用成。長扶景運。宜歆德馨。五祀為大。千古舉。行感通肝。登歌鎮寧。夕人肅。益次木。於。於。

降神三成

南呂羽

鎮寧之曲

幣齊虔脩。粢盛告備。倉庾坻京。繫誰之賜。崇壇致恭。幽光孔。通。享于精誠。休祥畢至。

初獻盥洗

大簇宮

肅寧之曲

禮備樂陳。辰良日吉。挹彼罇罍。馨芬黍稷。灌溉揭虔。維。及。慕。萬年嚴祀。踰。受職。

初獻升壇降同 應鍾宮

肅寧之曲

春祈秋報。古今彝音。民天是寶。神靈用彰。功崇禋嚴。人阜時。

康雍為儀燔芬苾香。六皇寶林靈用。禮樂之興。禮樂之興。禮樂之興。

司徒捧俎 太簇宮

豐寧之曲

我稼既同。群黎徧德。我祀如何。牲牲孔碩。有翼有嚴。隨方布

正位酌獻

大簇宮

保寧之曲

異世同德。於皇聖造。降茲嘉祥。衛我大寶。生乃丕民。侔德履

配位酌獻

太簇宮

保寧之曲

以御田祖。皇家秩祀。有民人焉。盍究本始。惟序惟修。誰實介

亞終獻

太簇宮

成寧之曲

止酒音且多。盛德宜配。以引以翼。來處在小。豆當牲牢。有楚有踐。庸答神休。神休

徹豆

應鍾宮

豐寧之曲

文治脩明。相成田功。功為特殊。儀為特隆。終如其初。誠則能

送神

林鍾宮

鎮寧之曲

通明神母。忘時和歲。豐。不屋受陽。國所崇敬。以興來歲。苞秀堅穎。雲輶莫駐。神其諦

望瘞位

太簇宮

肅寧之曲

雅奏肅寧。繁聲降格。匪厥玄黃。丹誠烜赫。肇祀以歸。瞻言咫尺。萬年攸介。丕承帝德。

釋奠樂章

降神

黃鍾宮

凝安之曲九變

天縱之聖。集厥大成。立言垂教。萬世準程。廟庭孔碩。尊俎既盈。神之格思。景福來并。

初獻盥洗

姑洗宮

同安之曲

神既寧止。有孚顙若。鬯洗在庭。載盥載濯。匪惟潔脩。亦新厥德。對越在茲。敬其維則。

初獻升階降同南呂宮

同安之曲

大哉聖功。薄海內外。禮隆秩宗。光垂昭代。陟降在庭。攝齊委珮。莫不肅雝。洋洋如在。

奠幣

南呂宮

明安之曲

圭衮尊崇。佩衿列侑。邊豆有楚。樂具和奏。式陳量幣。駿奔左右。天睠斯文。繫神之佑。

文宣王位酌獻南呂宮

成安之曲

惟神監格。享于克誠。有樂在縣。有碩斯牲。奉醴以告。嘉薦惟馨。縵以多福。永底降平。

充國公位酌獻

潛心好學。不違如愚。用舍行藏。乃與聖初。半載景行。止厥步趨。廟食作配。祀典弗渝。

鄒國公位酌獻

洙泗之傳。學窮性命。力距揚墨。以承三聖。遭時之季。孰識其正。高風仰止。莫不肅敬。

亞終獻

姑洗宮

文安之曲

廟成奕奕。祭祀孔時。三爵具舉。是饗是宜。於昭經訓。示我民彝。紀德報功。配于兩儀。

送神

黃鐘宮

凝安之曲

禮成樂備靈馭其旋濟之多士不解益虔文教茲首儒風是
宣佑我皇家億載萬年。

先農樂章

降神二成

林鍾宮

鎮寧之曲八變

民生斯世食為之天恭惟大聖盡心於田仲春劭農明祀吉
蠲馨香感神用祈豐年。

降神二成

太簇角

鎮寧之曲

耕種務農振古如茲爰粒烝庶功德茂垂降嘉奏報國家攸
宜所依惟神庸潔明粢。

降神二成

姑洗徵

鎮寧之曲

俶載平疇農功肇敏千耦耕耘同徂隰畛田祖丕靈為仁至
盡豐歲穰延洪有引。

降神二成

南呂羽

鎮寧之曲

群黎力耕及茲方春維時東作薦我農人我黍宜華八稷宜
新由天降康永賴明神。

正配位奠玉幣

太簇宮

億寧之曲

奉幣惟恭前陳嘉玉聿昭盛儀肅雖純如南畝深耕八麥黍
菽用祈三登膺受多福。

亞終獻

太簇宮

咸寧之曲

至誠攸感所嚮潛通百穀嘉種爰降時豐祈年孔夙八穡為
重俯歆醴齊載揚歌頌。

送神

林鍾宮

鎮寧之曲

焄蒿悽愴萬靈來咲靈神具醉聿言旋歸歲豐時和八雨應
期皇圖萬年永膺洪禧。

望瘞位

太簇宮

肅寧之曲

禮成文備。歆受清祀。加牲兼幣。陳玉如儀。靈御言旋。陰昭
瘞。集茲嘉祥。常致豐是。感。

澤民分靈祠樂歌

祀唐詩人李頎也。祠在建安郡學。

揭希韋

江人

山為鈎曲。蔽神宮。拂天雲旗。揚靈風。云何巫陽。招之不乘彼
赤罷。駕文能。飄然遨遊。頤環雍。帝裔隊仗。王儀容。手以垂矢
弁和弓。下庭考鼓。兼鳴鍾。銅槃白雉。血在中。淋漓酒有薦和
雍。引接我士。俱登庸。上天翩之策。飛龍酌神。一心謝必蒙祈
與萬世。昌文宗。

文翰類選大成卷第七

文翰類選大成卷第七補遺

左長史上海李伯璵編輯

伴 讀慈谿馮 厚校正

樂章類

宋

建隆郊祀歌

寶望之

名儼左拾遺遷禮侍

降神高安

在國南方。時維就陽。以祈帝祉。式致民康。豆籩鼎俎。金石絲
簧。禮行樂奏。皇祚無疆。

皇帝升降隆安

步武舒遲。陞壇肅祗。其容允若。于禮攸宜。

奠玉幣嘉安

嘉王制幣以通神明神不享物享于克誠

奉俎豐安

笙鏞備樂繭栗陳牲乃迎芳俎以薦高明

酌獻禧安

丹雲之爵金龍之杓挹于尊壘是曰清酌

飲福禧安

絜茲五齊酌彼六尊致誠斯至率禮彌敦以介景福永隆後
昆重熙累洽帝道攸尊

亞獻終獻正安

謂天盖高其聽孔卑聞樂歆德介以福禧

送神高安

倏兮而來忽兮而迴雲馭杳邈天明洞開

祀皇地祇

降神靜安

至哉厚德陟配天長沈潛剛克廣大無疆資生萬物神化含
章同和八變神靈效祥

奠玉幣酌獻嘉安

於昭祀典致享坤儀備物咸秩柔祗格思功宣敏樹日益鴻
禧持載品彙率土攸宜

送神靜安

妙用無方倏來忽逝蠲潔寅恭式終禋粢

建隆以來祀享太廟

迎神理安

肅清廟奉祀來詣格思之靈如在之祭克謹威儀載嚴容

衛降福孔皆以克永世。

皇帝行隆安

工祝升陛。賓戶在位。祇達孝思。允脩忘祀。顯相有儀。克恭乃事。儼恪其容。通此精意。

奉俎豐安

維犧維牲。以包以烹。植其執鼓。潔彼釗羹。孔碩茲俎。於穆厥聲。肅雍顯相。福祿來成。

酌獻禮祖室大善

湯之洪河。經啓長源。鬱嘉木挺生本根。大哉崇基。出乎慶門。發祥垂裕。永世貽孫。

順祖室大寧

元鍾九千。生於仲呂。崇堂九層。起於累土。赫日之升。明夷為

主。孝孫作帝。式由祖武。

翼祖室大順

明之我祖。積德攸宜。肇繼瓜瓞。將隆本支。爰資慶緒。式昭帝基。於穆清廟。永洽重熙。

宣祖室大慶

艱難積行。繇長鍾慶。同人之時。得主乃定。既叙宗祧。乃修舞詠。經武開先。永昭丕命。

太祖室大定

猗歟太祖。受命于天。化行區宇。功溢簡編。武威震耀。文德昭宣。開基垂統。億萬斯年。

太宗室大盛

赫之皇運。明之太宗。四隩咸暨。一變時雍。睿文炳煥。聖德溫

恭于齡萬祀永播笙鏞

飲福禋安

嘉粟旨酒博膺牲牲神鑒孔昭享茲吉蠲夙夜必祀孝以奉先永錫純嘏功格于天

亞獻正安

已象文治乃觀武成進退可度威儀克明

終獻正安

常武徂征詩人所稱總干山立厥象伊嶷

徹豆豐安

肥膾之牲既折既薦鬱鬯之酒已酌已獻祝辭亦陳和奏斯徧享禮具舉徹其有踐

祭社稷

降神靜安

百穀蕃滋麗乎下土率以明祀垂之千古育物惟艱粒民斯普報本攸宜國章咸覩

奠玉幣酌獻嘉安

於穆太祀功利相宣靈壇美報歷代昭然介以蕃祉祥以豐年土爰稼穡允協民天

送神靜安

制幣儀齊正醉無愧樂以送之畢其精意

親耕籍田

皇帝出大次乾安

勤勞稼穡必躬必親為籍田以教遠民帝出乎震時維上春天顏咫尺望之如雲

親耕

元辰既擇。禮備樂成。洪縻在手。祗飾專精。三推一撥。端冕朱絃。靡辭深履。以示黎氓。

升壇

方壇屹立。陛級而登。五色下照。臨觀耦耕。萬目咸覩。如日之升。成規成矩。百祿是膺。

公卿耕籍

群公顯相。嚴奉齋莊。率時農夫。舉耜載揚。播厥百穀。以佑我皇。多黍多稌。丕膺農祥。

群公耕籍

畷之良耜。我田既臧。土膏其動。春日載陽。報事有落。于以中邦。農夫之慶。樓以餘糧。

降壇

肇新帝籍。率我農人。三推終畝。祗事咸均。陟降孔時。粲然有文。受天之祐。多稼如雲。

歸大次

教民稼穡。不令而行。進退有度。琤瑀鏘鳴。言還煩幄。禮則告成。帝命率育。明德惟馨。

景祐祭文宣王廟

迎神凝安

大哉至聖。文教之宗。紀綱王化。丕變民風。常祀有秩。備物有容。神之格思。是仰是崇。

初獻升降同安

右文興化。憲古師今。明祀有典。吉日惟丁。豐犧在俎。雅奏來

庭周旋陟降福祉是膺

奠幣明安

一王垂法千古作程有儀可仰無德而名齊以滌志幣以達誠禮容合度黍稷非馨

酌獻成安

自天生聖垂範百王恪恭明祀陟降上庠酌彼醇旨薦此令芳三獻成禮率由舊章

飲福綏安

犧象在前豆籩在列以享以薦既芬既潔禮成樂備人和神悅祭則受福率遵無越

死國公配位酌獻成安

哲宗朝增此一曲

無疆之祀配有可宗事舉以類與享其後嘉栗旨酒祭薦惟

恭降此遐福令儀肅雍

送神疑安

肅之庠序祀事惟明大哉宣父將聖多能歆馨膺饗迴馭凌兢祭容斯畢百福是膺

文獻通考卷二百四十一

文翰類選大成卷第八樂章目錄

國朝

郊祀 九首

太廟 六首

社稷 七首

山川 八首

歷代帝王 八首

釋奠 六首

先農 八首

王國祀社稷 八首

祀山川 七首

文翰類選大成目錄

文翰類選大成卷第八

左長史上海李伯璵編輯
伴讀慈谿馮厚校正

樂章類

國朝

郊祀樂章

迎神

荷蒙

天地兮君主華夷欽承踊躍兮備筵而祭誠惶無已兮寸衷
微仰瞻俯首兮惟願來期想龍翔鳳舞兮慶雲飛必昭昭穆
穆兮降壇壇。

奠帛

天垂風露兮雨澤霑黃壤氤氳兮氣化全民勤畎畝兮束帛
鮮臣當設宴兮奉來前。

進俎

庖人兮列鼎肴羞兮以成方俎兮再獻願享兮以歆

初獻

聖靈兮皇穆嚴兮金床臣今樂舞兮景張酒行初獻兮捧
觴

亞獻

載斟兮再將百辟陪祀兮具張感聖情兮無已拜手稽首兮
願享

終獻

三獻兮樂舞揚肴饌具納兮氣藹而芳祥光朗兮上下方

況日吉兮時良

徹饌

粗陳菲薦兮神喜將感
聖心兮何以忘民福留兮佳氣昂臣拜手兮謝恩光

送神

旌幢燁兮雲衢長龍車鳳輦兮駕飛揚遙瞻冉兮上下
方必烝民兮永康

望燎

進羅列兮燎瘞芳炬焰發兮煌神變化兮束帛將感至恩
兮無量

太廟樂章

迎神

慶源發祥。世德惟崇。助我躬躬。開基建功。京都之內。親廟在東。維我子孫。永懷祖宗。氣體則同。呼吸相通。來格來崇。皇靈顯融。

初獻

思皇

先祖耀靈于天。源衍慶流。繇高逮玄。玄孫受命。追遠其先。明禋世崇。億萬斯年。

亞獻

對越至親。儼然如生。其氣昭明。感格在庭。如見其形。如聞其聲。愛而敬之。發乎中情。

終獻

承前人之德。化家為國。母曰予小子。基命成績。欲報其德。昊天罔極。飛敷三獻。我心悅懌。

散饌

樂奏儀肅。神其燕嬉。告成于

祖。亦佑皇妣。敬徹不遲。以終祀禮。祥光煥揚。錫以嘉祿。

還宮

顯兮幽兮。神運無迹。鸞馭逍遙。安其所適。其靈在天。其主在室。子々孫々。孝思無斁。

社稷樂章

迎神

予惟土穀兮。造化功。為民立命兮。當報崇。民歌且舞兮。朝雍雍。備筵率職兮。候迓迎。想聖來兮。祥風生。欽當稽首兮。告年豐。

初獻

氤氳氣合兮物遂蒙民之春兮荷陰功予將玉帛以獻德

亞獻

予令樂舞兮再捧觴願神昭格兮軍民康思必穆之靈洋洋感厚恩兮拜祥光

終獻

干羽飛旋兮酒三行香煙燼滅兮樂舞停今稽首兮忻且惶神顏悅兮霽彩彰

徹饌

粗陳微禮兮神喜將琅然絃竹兮樂舞揚願祥普降兮遐迩方悉民率土兮盡安康

送神

氤氳氤氳兮祥光張龍車鳳輦兮駕飛揚遙瞻稽貝兮去何方民福留兮時雨暘

望瘞

捧肴羞兮詣瘞方鳴鸞率舞兮聲鏗鏘思神納兮民福綿予今稽首兮謝恩光

山川樂章

迎神

吉日良辰祀典式陳京畿山川城隍之神濯之厥靈昭鑒我心以候以迎來格來歆

奠帛

靈旗泣止有赫其威一念潛通幽明弗違有帛在篚物薄而微

神兮安留尚祈享之。

初獻

神兮安留。有薦必受。享祀之初。奠茲醴酒。晨光初昇。祥徵應候。何以俯觴。樂陳雅奏。

亞獻

我祀維何。奉茲犧牲。爰酌醴齊。二觴再升。洋洋如在。以

寧。庶表微衷。交于

神明。

終獻

執事有嚴。品物斯薦。黍稷非馨。式將其意。薦茲酒醴。以我常祀。神其頌歆。求言樂只。

徹饌

春祈秋報。率為我民。我民之生。賴于尔

神。維神佑之。康寧其臻。祭祀云畢。神其樂歆。

送神

三獻禮終。孔成樂作。神人以和。既燕且樂。雲車風馭。

靈光昭灼。瞻望以思。邈彼寰廓。

送神

俎豆既徹。禮樂已終。

神之云旋。必將焉從。以望以燎。庶幾感通。時和歲豐。惟

神之功。

歷代帝王樂章

迎神

仰瞻兮

聖容想鸞輿兮景從降雲衢兮後先來俯鑒兮微衷荷
聖臨兮蒼蒼生有崇瞻諸帝兮是臨予頓首兮幸蒙

具帛

秉微誠兮勤

聖躬來列坐兮殿庭予今願兮効勤捧禮帛兮列酒尊鑒予
情兮欣享乃旋駕兮雲程

初獻

酒行兮爵盈喜氣兮雍之重荷蒙兮載瞻載崇群臣忻兮躍
從顛視穆兮

聖容

亞獻

酒斟兮禮明諸

帝熙和兮悅情百職奔走兮滿庭陳籩豆兮數重亞獻兮願成

終獻

獻酒兮至終早整雲鸞兮將還宮予心眷戀兮

神聖欲攀留兮無蹤躡雲衢兮緩行得遙瞻兮達九重

徹饌

納肴羞兮領陳烝民樂兮幸生將何以兮崇報維歲時兮載
瞻載迎

送神

幡旛繚繞兮道乘蹤鸞輿舟兮歸天宮五雲擁兮祥風從
民歌聖佑兮樂年豐

望燎

神機不測兮造化功瓊蓋禮帛兮薦火中望瘞庭兮稽首頓

神鑒兮寸衷。

釋奠樂章

迎神

大哉

宣聖道德尊崇維持王化斯民是宗典祀有常精純並隆
神其來格於昭聖容。

奠帛

自生民來誰底其盛維王神明度越前聖絜帛具成禮容斯
稱黍稷非馨惟神之聽。

初獻

大哉

聖王實天生德作樂以崇時祀無斁清酌惟馨嘉牲孔碩
羞神明庶幾昭格。

亞獻終唐用

百王宗師生民物執瞻之洋洋神其寧止酌彼金罍惟清且
旨登獻于三於嘻成禮。

徹饌

犧象在前豆籩在列以享以薦既芬既潔禮成樂備人和神
悅祭則受福率遵無越。

送神

有嚴學宮四方來宗恪恭祀事威儀雍雍歆茲惟馨
神馭還復明禋斯畢咸膺百福。

先農樂章

迎神

東風起。蟄地脉奮。然蒼龍挂角。燁天田。民命惟食。剗物有先。園鍾既奏。有降斯筵。

奠帛

帝出乎震

天發農祥。神降于筵。謁洋洋。禮神有帛。其色惟蒼。豈伊具物。誠敬之將。

初獻

九穀未分。庶草攸同。表為嘉種。實在先農。黍稌斯豐。酒醴是共。獻奠之初。以蘄感通。

亞獻

倬彼甫田。其隰其原。耒耜云載。駟御之間。報本思享。亞獻惟虔。神其歆之。自古有年。

終獻

帝籍之典。身祀是茲。潔豐嘉粟。咸仰于斯。時惟親畊。享我農師。禮成于三。以訖陳詞。

徹饌

於赫先農。歆此潔脩。于籩于爵。于饌于羞。禮成告徹。神惠敢留。餽及終畝。豐年是求。

送神

神無不在。於昭于天。日迎日送。于享之筵。冠裳在列。金石在懸。往無不之。其佩翩。

望燎

祝帛牲醴

先農既歆。不留不藝。瘞之厚深。有幽其瘞。有赫其臨。曰禮之。

常匪今斯今

王國祀社稷樂章

迎神

廣清之曲

仰瞻兮神靈望雲旗兮奉迎駕鸞車兮如聞有聲儼米臨兮
歆祀庶昭鑒兮秉情

初獻二首

壽清之曲

建邦立社兮民依以寧稽古禮兮祀典是承儼如在今惟有
靈酒初行兮神其鑒歆

大稷所主兮黍稷稻粱春生秋實兮豐年穰穰遍養下民兮
德難量禮初獻兮帛是將

亞獻

豫清之曲

陳牲俎兮列粢盛神昭鑒兮通靈表微衷兮再獻惟神享兮

歡忻

終獻

熙清之曲

酒終獻兮神怡謁瑞氣兮壇壝神之靈兮在茲目瞻為工兮如
見之

徹豆

雍清之曲

三獻成兮徹豆遠愧菲薄兮心拳惟豐稔兮有年且報祀
兮綿延

送神

安清之曲

神既享兮入心怡遙瞻送兮雲車回幡幢隱兮祥風吹謝
神惠兮心永懷

望瘞

時清之曲

春祈秋報兮歲有常禮既成兮乃瘞乃薦神功普兮祀不忘

世々相承兮民樂康

山川樂章

迎神

保清之曲

神之來兮揚靈瑞氣氤氳兮克庭列衛從兮森旂旌陣祀事兮瞻迎

初獻

終清之曲

歲功運行兮萬物生成民咸賴兮神機靈捧牲帛兮酒初甚物雖匪豐兮神其鑒歆

亞獻

疑清之曲

胙土立邦兮百神効靈春秋祀事兮有常經神功大兮報莫能禮再獻兮表衷情

終獻

肅清之曲

神德著兮神功隆澤被民生兮時和歲豐酒雖終兮情無窮庶神明兮感通

徹豆

壽清之曲

俎豆徹兮獻已終既歆享兮鑒微衷禮儀不備兮難報神功

送神

豫清之曲

神來臨兮靈洋洋神之去兮雲旂翔中心思兮何日忘遥瞻兮拜送顧斯禮兮有常

望燎

寧清之曲

神車旋兮遥瞻望捧牲帛兮以燎以薦承祀事兮世守斯邦神留惠兮民斯康

